

Ko MUNOTI UYU NDIYANI?

 Mangwanani akanaka, shamwari. Zvirokwazvo ndinoona uri mukana wakanaka wekuva pano muchechi ino. Uye ndinoita sekufarira zita rayo kutanga kwacho. Inonzi "Jesus Name." Ndinozvifarira izvozvo. Uye ndi—ndinofunga kuti ndiro—ndiro... Ndiro Zita randakadzikanurwa naro, Zita iroro rakanaka raIshe Jesu. Uye zvakare nekuva pano neshamwari dzangu dzakanaka, takaungana pano pamangwanani ano akanaka eSvondo, muno muPhoenix chaimo, Handizivi imwe nzvimbo yandingada kuva ndiri, kunze kwekuva Mukubwinya pamwe nemi mose. Uye ndicho chiitiko chikuru chatiri kutarisira kwachiri nerimwe zuva.

² Zvino ndava nekushanyira hu—hurwere, hwandavinga kuno, nhasi. Zvino ndakanga ndiri kutaura naHama Outlaw, shamwari yangu inokosha, uye va—vakandikoka zvine nyasha kwazvo kuti—kuti ndiuye kuno. Uye vashumiri vose pano muPhoenix vanga vakanaka kwazvo kwandiri.

³ Ndinomboshaya kuziva dzimwe nguva kuti sei ndakatamira zasi kuTucson. Ndange ndiri zasi ikoko kwemakore matatu, asi handina kumbobvira ndakakokwa kupurupiti ipi zvayo. Saka ndinofunga kuti ndino... ndinongofanira kuita kushanya kwangu—kwangu kumusoro kuno kuTucson... kana kuti kuno kuPhoenix, kwandinonzwa kugamuchirwa. Saka, pamwe vachandijaira mamwe... Munoziva, ndakaparidza zasi ikoko humwe husiku, uye ndikaparidza maawa matatu; ndosaka vasina kundikumbira kudzoka zvakare.

⁴ Asi ndine ma—manzwiyo makuru mumoyo mangu kuna Mwari nevanhu vaVo. Uye ndine chinono kwazvo, uye ndi—ndinotya kuti ndichasiirira chimwe chinhu ndoregedza kutaura zvakakwana, zvino ndinoisa dzingaita mharidzo nhatu kana ina mune imwe chete. Saka ini zvirokwazvo... kwamuri vanhu vakange vari zasi uko, Ndinkumbira ruregerero nekukuchengetai kwenguva refu yakadaro. Ndingadai ndisina kuzviita izvozvo.

⁵ Uye zvakare ndinofara mangwanani ano kuva pano naHama Carl Williams, naJimmy mudiki pano, nekwaya, uye neshamwari yangu vakomana vekwaMosley; kuona Brad, Hama John Sharrit, uye neshamwari dzangu zhinji kwazvo; Hama Pat Tyler, pano, vanobva kumusoro uko muKentucky, ne—ne—neshamwari zhinji kwazvo kuti tingoungana muungano ino—ino mangwanani ano. Munoonaa, ndaona shamwari dzangu zhinji dzinobva kuTucson nevamwe vakadaro, vakagara pano.

⁶ Ndiri kufunga pamusoro, perimwe zuva apo zvose izvi zvapera, zvino tichaungana apo paticha... hatiregi...

isu—isu hatizombofi takarega kuteerera kumumhanzi uno wakaisvonaka, munoonaka. Ndangoerekana ndacherechedza uyo mwanakomana waHama William, akagara kumashure uko, akapa chapupu nehumwe husiku zasi uko kuRamada Inn. Uye ndinofunga kuti angada kusvika mafiti matanhatu pakureba. Asi ndinokuudzai, mushure mechapupu ichocho, ndinotenda kuti akanga ava mafiti gumi pakureba. Ango... Ndakayemura kwazvo zvakataurwa nemukomana wacho, chapupu chinoshamisa zvakadaro.

⁷ Pandinonzwa machinda echidiki aya akanaka achipupura pamusoro pekutenda kwavo kwakazorora muna Kristu... Uye nda—ndava kukwegura, uye ini... rimwe zuva ndinofanira ku—ku—kurega ndoenda Kumusha. Nekuona machinda echidiki aya vachiuya avo vakagadzirira, nekuzvigadzirira kusimudzira kubva pandinenge ndasiira... Zvino ndiyo nzira yatinozviita. Ndiyo nzira yakatarwa hupenyu. Kuti isu... chimwe chizvarwa chinoenda... uye baba namai. Zvino vanokudza vadiki vavo, vachivaona vachiroorana; zvino vazukuru vozouya. Uye papera chinguva, Baba naMai havo vanoenda pasi vonovigwa muvhu. Uye ipapo, panguva iyoyo, vana ipapo vanenge vagadzirira zvakare kuwana vazukuru; uye zvadaro, havo vanoendawo pasi. Asi kuchave nerumuko rukuru, rwevanhu vese nerimwe ramazuva. Tose tichadanwa muHupo hwaMwari kuti tidairire pane zvatakaita neizvo zvatakapihwa naMwari: Jesu Kristu. Uye saka, ndinofara kwazvo kuziva kuti ndakararama muchizvarwa chino pamwe neboka rakanaka kwazvo revanhu, vari pasi rose, vandakasangana navo. Ndi—ndinongo—nongotenda kuna Mwari. Uye nerimwe zuva kana kudanwa kwangu kwauya, saka, ndicha—ndichafanirwa kuenda kunosangana nemabasa andakaita. Ndinoada kuti ose ave anopa mbiri nerukudzo kuna Mwari.

⁸ Kune zvihinji zvezvinhu sezvo ini... tave kusvika kune Gore Idzva iro randi—ndinoshuvira kuti dai ndaigona—gona kukanganwa nezvaro, asi ndinoziva kuti ndakazvireurura sezikanganiso kwaVari uye—uye Vakazviisa muGungwa reKanganwiro, zvino Havachazombofa vakazvirangarira zvachose. Zvino munoona, hatina kugadzirwa nenzira iyoyo, tichagara tichirangarira. Tinogona kuregererana, asi hati—hatigone kukanganwa pamusoro pazvo nekuti taka—taka—takagadzirwa zvakasiyana. Asi Mwari vanogona kuzviregerera nekuzvikanganwa. Vanogona kungozvibvisa sekunge zvisina kumbovapo. Maona? Nekuti Vane mukana kuGungwa reKanganwiro iroro, asi isu hatina. Chingozvifungai nezvazvo, kuti Mwari havagoni kana kurangarira kuti takambobvira tatadza. Pafunsei ipapo! Kwaya, imi vanhu vechidiki, ko kana... zvakamira sei izvozvo? Mwari havatombobviri vakazvirangarira kuti takambotadza. Munoona, Vanogona kukanganwa chinhu chacho chose, uye chorega kumbofa

chakaunzwa mundangariro zvachose. Hachizova here chimwe chinhu?

⁹ Ino haisi nzvimbo yekuita nyambo. Handitendi mukuita jee kana nyambo pane... Zvinondirangaridza nezvesha—shamwari yangu. Akaenda muKubwinya zvino. Asi a—akataura nyaya diki neimwe nguva, pamusoro pe—pemhuri yevaviri vakange vauya kuzogara muguta uye... vachibva kumaruwa. Zvino vaiva vane... Mhuri iyi yechidiki yaiva nababa mutana, zvino vaiva vachibvira zvakanyanya kuna Mwari. Saka mudzimai wechidiki (ava vakange vari baba vake, mu...), saka akanga ava kudyidzana nevamwe vanhu vepamusoro-soro. Munoziva, kwamunova nemhando dzose idzi dzezvivaraidzo zvepamusoro-soro. Uye saka, akanga ari kuzova nemumwe wakaita semutambo wekuvaraidza zuva iroro mumba make.

¹⁰ Zvino—zvino baba vake—vake, mushure mekunge vawana kudya kwavo kwemasikati, handiti va—vaitora Bhaibheri voenda kunze mukamuri zvino vaiverenga kwechinguva. Zvino vaiRigadzika pasi, zvino vobva vachema, nekudaiddzira, nekuzhambatata, uye vachingoenderera, zvino vombosimuka vopfeka magirazi avo voverenga zvakare. Zvino vowana chimwe chinhu, vogadzika pasi magirazi avo votanga kuchema vachidanidzira. Mudzimai akati, “Izvozvo zvingavhiringidza pati yangu saka ndi—ndi—ndinofanira kuto... ndinofanira kutoita chimwe chinhu naBaba, uye handizivi chekuita.” Saka akafunga kuti achavaita kuti vaende kuimba yepamusoro, uye vonokwira kumusoro—kumusoro ku—kunzvimbio iyoyo.

¹¹ Zvino—zvino akatanga kufunga, “Saka zvino, handigoni kuvapa Bhaibheri ravo, nekuti vanozoita zvimwe chetezvo kumusoro ikoko.” Saka akangovapa bhuku rakare reJogirafi, ndokuvatumira kumusoro ikoko. Akati, “Baba, tarisai mifananidzo iyi yepasi rose nezvinhu patiri kuita pati yacho.” Uye akati, “Hatimbotore nguva refu. Ticha—tichange tiri zasi... Munozodzika mushure mechinguva.” Akati, “Ndinoziva kuti hamudi kuva panenge paine madzimai ose aya.”

¹² Vakati, “Kwete, zvakanaka, mudiwa. Ndicha—ndichaenda hangu kumusoro uko.”

¹³ Saka ivo... Mudzimai akavagadzirira chiedza nekanzvimbo kadiki. Zvino akafunga, “Saka, izvozvo—izvozvo zvinobva zvazvigadzirisa. Zvino, vachangotarisa mifananidzo nekuverenga zvishoma zve—zvejogirafi, uye ipapo... uye mushure mechinguva vanozodzika havo. Zvino zvinenge zvakanaka.”

¹⁴ Saka sepanguva iyo yavakasvika pakati pekunwa chinwiwa chavo chepinki chemaremani, munoziva, vachiita pati yavo... Pakapera chinguva, imba ndokutanga kuzunguzika, zvino mutana akatanga kumhanya achikwira nekudzika nemukamuri achidanidzira nekusvetuka—svetuka. Zvino—zvino akafunga,

“Chii chaitika kwavari? Vange vasina Bhaibheri kumusoro ikoko. Kuti... Vanofanirwa kunge vawana Bhaibheri chete.”

¹⁵ Saka iye akamhanya achikwira masitepisi, ndokuti, “Baba!” Akati, “Harisi Bhaibheri ramuri kuverenga. Iro iJogirafi.”

¹⁶ Vakati, “Ndinozviviva, mudiwa. Ndinozviviva! Asi” vakati, “unoziva, rimwe zuva ndaiverenga muBhaibheri apo Jesu akataura kuti Akaisa zvivi zvedu muGungwa reKanganwi, unoona, uye haaizozvirangarira zvachose. Zvino ndanga ndiri kuverenga pano apo pavonotaura kuti havatombogoni kuwana hwaro hwegungwa pane dzimwe nzvimbo, muJogirafi.” Vakati, “Chimbofunga kuti, zvichiri kuenda.”

¹⁷ Ndizvo zvaivaita kuti vafare. Saka unogona kuwana Mwari chero kwese kwawatarisa. Maona, kana ukangotarisa kwese-kwese, zvose zvinotaura pamusoro zvakaVamiririra.

¹⁸ Zvino chaizvo-izvo, chokwadi chaicho, nda—ndaudza Hama Outlaw, “Ndichataura pamusoro peiko mangwanani ano? Mataura here mharidzo yenu yeKisimus?”

Ndokuti, “Hongu.”

Ndikati, “Mharidzo yenu yeGore Idzva?”

“Kwete.”

¹⁹ Saka, ndanga ndine zvimwe zvandakangonyorawo pano kuitira kana ndikazowana kokero kune imwe nzvimbo, Ndichataura Mharidzo yangu yeGore Idzva. Ndakafunga kuti ndaizosiira izvozvo kuna Hama Outlaw kuitira yavo, vhiki rinotevera.

²⁰ Saka ndakafunga kuti pamwe ndaizodzokera kumashure pane chidzidzo chidiki pano chingatichengeta kwemaminitsi mashoma, Ishe vachitendera. Uye tinovimba kuti Vachatiropafadza. Ndinoda kutenda Hama Outlaw nechechi pano, nekundikoka kuno kuzotaura pano. Zvino ini... Sekutaura kwaita Hama Outlaw, kuti “hushamwari hwedu hauna kumbobvira wakakanganiswa,” asi nyasha dzaMwari dzatichengetedza nemumakore ose aya. Ino ndiyo chechi yekutanga yakandikoka, uye yandinouya kwairi, yaiva muPhoenix.

²¹ Ndinoziva...ndinotenda kuti ndakatarisa Hama Trow, pano. Handina chokwadi...vakagara pamberi. Ndizvozvo here, Hama Trow? Ndatenda kuti vaivepo panguva iyoyo. Ndine zvimwe zvinhu zvidiki zvavakandipa munguva iyoyo; zvidiki...vanozviumba kana zvimbewo. Munoziva, zvinhu zvidiki zvemhangura kubva kumusoro kuno kwamunogara. Zvino ukatarisa kwese-kwese...Uye handizivi zvazvichava mangwanani iwawo patinoyambukira mhiri, munoziva, nekukwanisa kuona vanhu...vanoti, “Saka, ikoko...” Munoziva, tichange tichitaridzika zvakasiyana ipapo, pane zvatakaita zvino. Ticha...Ndizvozvo. Tichange tisina kana

mavanga echivi kana ekukwegura. Tichange takakkwana. Oo, ndinoshuvira nguva iyoyo (hamudarowo here?) uko matambudziko ose anenge apera.

²² Uye zvino, ndine Mharidzo yakabva kuna Mwari yandi—ndinonzwa. Uye ndiri...Handidi kuva ndakasiyana, asi ndinofanira kuva ndakatendeka. Zvino kana ndikasataura zvandinotenda, ipapo hamuzogoni kuva neruvimbo mandiri. Nekuti ndi—ndi—ndinenge ndoita semutengesi kana munyengeri. Uye ndi—ndinoda kuva chero chinhu hacho kunze kwaizvozvo, munoona. Ndinogona kurasakiwa neshamwari shoma panyika, asi ndi—ndinoda kugara ndakatendeka kune zvandinotenda, kune zvandinofunga kuti ndizvo.

²³ Zvino, makore akapfuura, zvaiva nyore zvakanyanya pandakatanga; uye zviratidzo, nemharidzo, nekuparidza. Kwese-kwese kwaiva nekugamuchirwa, “Huyai! Huyai! Huyai!” Asi zvinoka, munoona, chiratidzo chose chechokwadi chinobva kuna Mwari chine mha—Mharidzo, Izwi. Munoona, Rinochitevera. Kana zvisina kudaro... Mwari havape chero chinhu chakadaro kungoitira kunakidzwa nekuchipa. Va—Vanotumira chimwe chinhu chinokwezva meso kune zvaVari kuda kuzotaura. Sekuva kwatine kuimba kunoshamisa kwaitwa nekwaya iyi; kwanga kuri kuitirei? Kudzikamisa vanhu kuitira mharidzo iri kuuya.

²⁴ Ndizvo izvo—ndizvo izvo zvinoitwa nechiratidzo. Mosesi aiva nezviratidzo zvatakataura pamusoro pazvo humwe husiku, zvino zviratidzo izvozvo zvaiva neMazwi. Uye...apo pakataura Izwi...Jesu akaendawo zvakare achipodza vanorwara. Aiva Munhu mukuru. Asi pakazouya nguva yekuti Muporofita iyeye—iyeye, aiva panyika...Apo vakanga vasina kumbova nemumwe kwemakore mazana mana, uye heunoi Ari panyika achiita zviratidzo. Ipapo Aiva “muchinda akanaka,” munhu wese aiMuda. Asi apo Mharidzo yakatevera chiratidzo ichocco (Izwi)...paAkagara pasi rimwe zuva, akati, “Ini naBaba vaNgu tiri Mumwe.” Oo, ini zvangu! Izvozvo—izvozvo—izvozvo zvakava chimwe chinhu chakasiyana. Va—vainge vasingadi izvozvo. Maona?

²⁵ Uye kuti...nyika yakangodaro zvayo, shamwari. Maona? Ivo...chero chipi chavanogona kuwana, kana vachikwanisa—vachikwanisa kuzvibatsira nacho, munoona...Izvo ivo—ivo zvavanonzwa kuti chero bedzi zvingavanetsi, handiti, vano—vanozviita. Asi kana yauya nguva yekuti vanofanira kushandura mafungiro avo pamusoro pezvinhu, ndipo panouya dambudziko.

²⁶ Zvino, munoona, tiri kuvaka chivakwa, kwete mudhuri. Vavaki vanoda kutora mutsara wezvidhinha vongoramba vachienda vakananga vachidzika. Zvino, chero muvaki upi zvake anogona kuvaka zvakadaro. Asi zvinotora makanika mukuru chaiye kuti akone pakona. Maona? Kana wofanirwa

kuita kona, ndiyo nguva yazvinotora... zvinoratidza kana uri—uri muvaki nematombo chaiye kana kuti kwete; apo unogona ukaita kona nayo, woramba uine kuenderera mberi nechimwe chivakwa chose, asi woisa kona yacho. Zvino pamakona iwawo ndipo panouya dambudziko. Vavaki vanoda kuramba vachivaka zvakatwasuka vachienda. Asi hatisi kuvaka mudhuri; asi, chivakwa.

²⁷ Zvino, tichisvika pane izvi, mangwanani ano, imi ndinamatirewo, uye ndicha...ndinogara ndichikunamatirai. Uye zvino, ngatikotamisei misoro yedu kwechinguvana muHupo hwajehovah Mwari Mukuru. Zvino tinoona kusakwana kwedu; tese tinodaro. Uye hapana mumwe ari muno kunze kweuyo ane zvishuwo. Zvino handisi kuziva, patiri kunamata, kuti kana paine mumwe wenyu ane chishuwo chakatsaurwa?

²⁸ Munoziva, Mwari vasina magumo, sezvandakataura kuno kuPhoenix rimwe zuva mu—mumusangano zasi kuno...Sezvakangoita terevhizheni, zviri kuuya, Kristu ari pano chaipo muno muchivakwa zvino. Munoona, kamufambiro kose kaunoita, nguva yose yaunobwaira ziso rako, hazzimbofi zvakafa. Zviri mumasaisai emumhepo. Terevhizheni haizvigadziri izvozvo. Inongobata saisai rako, yoriburitsa paskirini. Zviripo zvakadaro. Zvakagara zviriko. Kamufambiro kose kawakamboita kachiri kurarama, mumhepo. Zvino munoona zvatichazova pakutongwa?

²⁹ Saka, Mwari vari pano nenzira imwe cheteyo. HatiVaoni, sekusangoonawo kwatinoita mifananidzo yeterevhizheni. Zvinotora imwe chubhu kana kristaro rechimwe chinhukunhonga izwi, uye yoburitsa mufananidzo nezvimwe zvakadaro. Yaiva pano apo Adhama aiva panyika, asi tichangobva kuiwana. Mwari vari pano mangwanani ano. Uye nerimwe ramazuva ano, muMireniyamu, tichazocherechedza. Zvichava zvemazvirokzwazvo zvakanyanya kupfuura terevhizheni kana zvinhu, kuti Vakange vari pano chaipo mumusangano mangwanani ano.

³⁰ Zvino patiri... papfungwa iyoyo, chengetai mumoyo menuy zvamunoshuvira, uye chingosimudza ruoko rwako kwaVari. Mungazviitawo here izvozvo? Itai, “Ishe,...” Uye mumoyo mako, funga pfungwa yacho.

³¹ Zvino, Baba veKudenga, tine mauyiro aya mamwe chete oga, uye ndeenzira yemunamato. Zvino tiri—tiri kuuya muZita raIshe Jesu. Hati—hatina kukodzera kufema Zita, kuRishandisa. Hatina... neimwewo nzira yatingafunga kuti tinokodzera, asi nekuti takakokwa kuzviita. Uye nekuziva izvi, kuti Akati, “Kana ukakumbira Baba chero chinhukunhonga muZita raNgu, Ndicha—Ndicha—Ndichachiita.” Uye tiri... kana kutenda kwedu kukagona chete kumira shure kweizvozvo ranova riri Shoko raKe, uye kuti Ndiye Ani, zvino tine chokwadi chekuwana

zvatinokumbirira. Maona chikumbiro chose. Maona ruoko rwangu. Munoziva chikumbiro changu.

³² Uye Baba, ndinonamatira mumwe nemumwe wavo. Kuti zvose zvavanoshuvira... Ishe, handitendi kuti boka serino ringakumbira chero chinhu chakatsveyama. Chinenge chiri chimwe chinhu chekuti humambo hwavo hupfuurile mberi, chinogona kuva chiri chekupodzwa kwavo pachavo, zvino mukudaro, vangada, kana kunzwisia kwavo voga, vangazvida kuitira kuti vafambise mberi Humambo hwaMwari.

³³ Uye ndinonamata, Mwari, kuti chikumbiro chemumwe nemumwe chipihwe. Ropafadzai chechi ino, mufudzi wayo, vabatidzani vayo, uye nemadhikoni, matirastii, nhengo dzayo dzose, vaenzi, vatorwa. Havasi vatorwa, Ishe. Tose tiri vana veNyU kuburikidza nenyasha uye kuburikidza naKristu. Uye tinonamata kuti Muchatipa mangwanani ano Chingwa cheHupenu zvino, kuti tigobva pano tiine kunzwisia kwekuti zvikumbiro izvi zvatakumbira zvapihwa kwatiri.

³⁴ Ropafadzai Shoko, Ishe, pandinoRiverenga. Hakuna munhu ano—anogona kana anokwanisa kududzira Shoko iroro. Johani akaona Bhuku muruoko rweUyo akange akagara paChigaro chehumambo, uye kwakange kusina munhu Kudenga, kana panyika, kana pasi penyika akange akakodzera kana kutarisa paBhuku. Asi mumwe wevakuru akati, “Tarirai, Gwa-... Shumba yerudzi rwaJudha yakunda.” Johani, achitarisa kuti aone shu—shumba, akaona Gwayana rakange rakauraiwa, Gwayana rizere ne—neropa rakauya ndokutora Bhuku, rikakwira paChigaro chehumambo rikagara pasi. Uye varemekedzwa vose veKudenga vakabvisa korona dzavo kubva mumisoro yavo ndokukotama vakaziva kuti Raikodzera.

³⁵ Ishe, tinonamata kuti Riuye kuChigaro chehumambo chemoyo yedu mangwanani ano. Rikwire kumusoro uye nekutora pfungwa yose yatinayo, uye rigotora Shoko uye rigotaura kwatiri kuti tigokwanisa kuziva zvakawanda pamusoro paRo nehurstongwa hwaRo muhupenyu hwedu. Tazvikumbira izvi muZita raJesu. Ameni.

³⁶ Zvino, kana muchida kuvhura muBhaibheri kuna... Gwaro rinowanikwa muna Mutsvene Mateo chitsauko 21, uye kutanga ne... Ndinofunga tinoverenga ndi—ndima 10 ne 11 yechitsauko 21 chaMateo. Ibai vakanaka, pamunoenda kumba, kana musina kunge makazviita muzororo rino, kana mukaverenga chitsauko ichochi chose. Chakanaka kwazvo. Chose chakanaka. Chino kunyanya, chemwaka uno, uye pamwe neMharidzo yandinovimba kuti Mweya Mutsvene uchanditendera kukuunzirai mangwanani ano.

³⁷ Cherechedzai ndima 10 patinoverenga, nendima 11.

*Wakati apinda Jerusarema, guta rose rikapesaniswa,
vakati, Uyu ndianiko?*

*Vanhу vazhinji vakati, NdiJesu muporofita
weNazarea reGarirea.*

Zvino ngati... Mwari vawedzere kuShoko raVo chi—chirevo chekuverengwa kweGwaro rino.

³⁸ Zvino, tinoziva kuti inguva ipi, uye vazhinji venyu vanoziva Gwaro rechitsauko ichochi. Chiri apo... chaizvoizvo pazuva rakauya Kristu muJerusarema, akatasva mbongoro diki iya. Uye isu... Pane ngano inotaura kuti “yaiva mbongoro chena.” Ndinfungidzira, mukufanofananidzirwa kwekuuya kwaKe kwechipiri ari pabhiza. Nguva iyoyo, muporofita akataura, kuti “Aizotasva... Mambo wenyu anouya kwamuri ari pamwana wembongoro, uye akazvideredza uye ari akazvityora.” Ndiwo mauyiyo aAkaita ne—ne... ari pamusoro pe—pembongoro diki, mutakuri wemitoro mudiki. Asi nguva inotevera yaAnouya kubva muKubwinya (muchitsauko 19 cheZvakazarurwa), Anouya seMukundi Mukuru. Nguwo yaKe yakanyikwa muropa, akagara pabhiza jena, uye hondo yose yeKudenga ichiMutevera iri pamabhiza machena. Zvino ngano (kwete zvemumagwaro kana zvemunhoroondo)... Asi ngano inotenda kuti Aive akatasva mbongoro diki chena paAkaya muJerusarema.

³⁹ Zvino kuti... Ndasarudza izvi... zvichiri... nekuti tiri mumimvuri ye... kana munguva yemwaka weKisimus, ne—neGore Idzva; kupera kwegore rakare, uye kuunzwa kwerimwe idzva. Mazuva mashoma kubva zvino, vanhu vazhinji vachange vachitangidza patsva ne—nekuita zvinhu zvitsva uye nokuita mhiko itsva; uye kutanga kwegore idzva. Zvino harimbofa rakanditira zvakanyanya seKisimus. Handizivi kuti sei, ndinogara ndichida kuridaidza kuti “Zuva raSanta Claus.” Maona? Nekuti hapana zvakanyanya chaizvoizvo...

⁴⁰ Haraigona kuva zuva rekuberekwa kwaKristu. Haraigona zvachose kuva riri iroro. Aitofanirwa kuva akaberekwa muna Kurume kana Kubvumbi, nekuti Aiva Gwayana. Uye Aiva gondohwe uye rakaberekwa riri pasi pechiratidzo *chegondohwe*, Aries. Zvaifanira kudaro, munoono. Uye—uye makwai haaberekwi muna Zvita zvakadaro. Makwai anoberekwa muPfumvudza. Uye zvakare chimwe chinhu, makomo eJudhea zvino, ane mafiti makumi maviri echando pamusoro pawo. Ko vafudzi vaigona kuva sei kunze ikoko?

⁴¹ Saka chaizvoizvo zvinobva kungano dzechiRoma, raiva zuva rekuberekwa kwechimwari chezuva. Zuva remuchadenga parinopfuura, mazuva anoreba achingoreba, uye husiku hunoramba huchipfupika. Zvino pakati pa20 na25 yaZvita izuva rekuzvarwa kwechimwari chezuva, pasi pengano dzechiRoma—chiRoma. Uyezve zvimwari zvavo... Uye ipapo vanopemberera zuva rekuzvarwa kwechimwari chezuva. Zvino Constantine, zvino—zvino achigadzira bumbiro remitemo yechechi uye nenika nezvimwe zvakadaro, akati, “Ticharishandura”

(asingazivi kuti raiva zuva ripi) “ndokuriisa pazuva rakaberekwa chimwari chezuva, akariita: *zuva rakaberekwa Mwanakomana waMwari.*” Maona? Iro... Asi hatizivi kuti raiva zuva ripi.

⁴² Asi zvino, pane kuburitswa kwakanyanya kwezvaKristu kunze, kusvikira ndezvimwe zvinhu zvose zvime... zvakare, zvadzoswa kungano yechimwe chisikwa chakamborarama, pakufungidzirwa, chine zita raMutsvene Nicholas kana kuti kuti—kana kuti Kris Kringle, imwe ngano yekuGermany. Uye zvose zvinongova ngano, uye Kristu haasi mazviri zvachose.

⁴³ Zvino vanhu vazvishandura mukuve kutenga hwiski, ne—nekutamba njuga, uye nemafashoni. Zvino mu—munhu ano... mutengesi anogona kutengesa zvinhu zvake nemunguva yeKisimus anogona kurarama gore rimwe rese, potse. Maona? Izororo guru kwazvo, rezvekutengeserana. Zvino vana vanonzwisa tsitsi vanogara mumigwagwa; vabereki vavo havagoni ku—kuwashanyira nechi—chipo, sechinobva kuna Santa Claus, zvino vanofamba vachidzika nemugwagwa, uye tumaoko twavo twudiki twine tsvina netumaziso twavo twudiki tutsvuku. Ndi—ndinongovenga kuiona ichiuya. Rinofanira kuva zuva rinoysa rekunamata kuna Mwari, pachinzvimbo chokuva marwadzo emoyo nekutemwa nemusoro uye nezvinhu zvinoitwa. Hapana kana nechaKristu pazviri. Asi tiri pakati pezvinhu zvose izvi zvino.

⁴⁴ Tinozviona, mune chimwe chinhu sechavakange vari kumashure. Munoona, zviri kungopinda zvino zvichiva mutambo makuru. Jesu aiuya kuMutambo wePaseka. Zvino Akange apinda muJerusarema... kana kuti achipinda muJerusarema. Uye zviporofita zvezvinhu zvose zvaAakaita zvinofanira kuzadziswa. Zvinhu zvose zviri muBhaibheri zvine zvazvinoreva. Zita rose rine zvarinoreva. Hapana chinhu chakanyorwa muRugwaro kunze kwekuti chiine zvachi—zvachinoreva zvikuru.

⁴⁵ Ndkataura humwe husiku kuTucson, pamusoro pekuti *Sei Vaifanirwa Kuva Vari Vafudzi Pachinzvimbo Chevadzidzi VeBhaibheri?* Akaberekerwa parutivi chairwo rwechechi. Uye Mweya Mutsvene uchibuda kunze chaiko murenje uye uchinonga, kwete vadzidzi vebhaibheri, asi vafudzi vemakwai. Zvaifanira kuva saizvozvo. Vadzidzi vebhaibheri havaigona kutenda Mharidzo yakadaro. Saka ivo... zvaitofanira kunge vari vafudzi vemakwai.

⁴⁶ Ndkaparidza kumusoro kuno, makore mashoma akapfuura, makore maviri akapfuura, *Sei Zvaive, Kuti Raifanira Kunge Riri Bheteremha Diki?* Ishe vachitendera, Kisimus inotevera, ndinoda kuti tiparidze pamusoro pekuti, *Sei Vakafanira Kunge Vari Varume Vachenjeri?* Ana *Sei?* ava: vane mhinduro yazvo, uye dzirimo muno muBhaibheri. Uye tiri

kurarama munguva inoshamisa, nguva hurusa kwazvo yamazera ose. Tiri kurarama kusvika apo, chero nguva yokuti...nguva inogona kupera uye Ziyendanakuenda rinogona kuvhengana nayo ropfuirira mberi. Mazera ayo akatarisirwa nevaporofita nevatana vose. Tinofanira kuva takangwarira awa yoga-yoga, takatarisira kuuya kwaKe.

⁴⁷ Tinozviona, paKisimus i no, zvakada kuita semaitiro avakangoita Kisimus i yekutanga zvakadaro. Nyika yava kutoda kuperara. Sezvandakaparidzo kamwe, kune imwe nzvimbo, pamusoro pemharidzo yeKisimus, *Nyika Ichiparara*. Uye nyika zvakare yasvika pakuve zvimedu-zvimedu. Tarisai kundengende ka kwenyika mhiri kuno uku muCalifornia. Ndinofanotaura kuti, kuuya kwaIshe Jesu kusati kwaitika, kuti Mwari vachanyudza nzvimbo iyoyo. Ndinotenda kuti Hollywood neLos Angeles, nenzvimbo idzodzo dzine tsvina neche ikoko, kuti Mwari Samasimba vachadzinyudza. Dzichaenda zasi pasi pegungwa. Uye kune chivi chakanyanya, munoono, ndicho chinodzivisa.

⁴⁸ Budiriro yehungwaru yakafamba pamwe nezuva, kubva... zvino yakanangira kuMabvazuva, ichienda kumadokero. Uye zvino yave kuMahombekombe ekuMadokero. Kana ikaramba ichienda kumberi, inodzokera kuMabvazuva zvakare. Saka ndicho chinodzivisa. Uye chivi chakafamba pamwe nebudiriro yehungwaru, zvino ndokuva chidziva chehutsvina chemazera ose. Zvinhu zvavanoita izvo—izvo vanhu vemune chero rimwe zera vaisambogona kufunga pamusoro pechinhu chakadaro. Vakadzi vazvikandira kutsvina yakadaro, kusvikira hakuna mukadzi mune zera ripi zvaro aimbobvira akafunga pamusoro pechinhu ichocco chakadaro sezvatinota nhasi. Uyezve zvakadaro tozvidana kuti Makristu. Zvinonyadzisa zvakadini!

⁴⁹ Ndokusaka muporofita mukuru akasimuka, ndokuti, “handisi muporofita kana mwanakomana wemuporofita, asi...” Akati:

Shumba yawomba, uye ndiani asingagoni kutya?
Uye... Mwari vataura, zvino *ndiani* anogona kutadza *kuporofita?*

Maona? Pane chimwe chinhu chinofanira kudanidzira.

⁵⁰ Tiri munguva yenjodzi; nyika iri. Asi Chechi, Chechi yechokwadi (kwete sangano); asi Chechi, pachaYo, yagadzirira kukunda kukurusa kwazvo Kwayakamboita: kuuya kweChikomba kuMwenga.

⁵¹ Tava kupatsanuka, tichitsvaga mesia, chimwe chinhu, chiuye uye chitiponese, chotibvisa kubva mazviri zvose. Tinotarira zasi, matambudziko ari kuMabvazuva. Tinotarisa mhiri kuAfrica kune kumukira hurumende, nematambudziko erusaruraganda, uye nekusanganiswa, ne-nekuparadzaniswa. Zvino tose takakakavadzana pamwe nekudanidzira pano kasiri kare

(shamwari dzedu dzechitema) pamusoro pekuti, "Tinofanira kuva, tinofanira kuva nekusanganiswa kwemarudzi. Ndizvo zvatinoda. Tinofanira kuva nekusanganiswa kwemarudzi; munhu wese, akaenzana, munhu wese." Saka, zvakanyatsonaka. Izvozvo zvakanyatsonaka. Handitendi mune zvevanoita zvenhapwa. Vanhu ivavo vakange vasiri nhapwa pakutanga. Havasi nhapwa.

⁵² Mwari mupatsanuri. Neniwo zvakare. Chero Mukristu upi zvake mupatsanuri. Mwari vanopatsanura vanhu vaVo kubva pane vamwe vose. Paka—Pakagara paine kupatsanurwa. Vakasarudza rudzi. Vanosarudza vanhu. Ivo mupatsanuri. Vakaita nyika dzose. Asi zvakadaro, Mukristu chaiye wechokwadi anotofanira kuva mupatsanuri. Achizvipatsanura pachake kubva kuzvinhu zvenyika nezvimwe zvose, nekuuya muchinangwa chimwe chete, Jesu Kristu.

⁵³ Asi vanodanidzira izvozvo. Ndakaedza kuvaudza, "Hachisicho chinhu chichaponesa nyika yedu. Chinongova chete chirongwa chezvematongerwo enyika. Chi—chinhu chine mviromviro dzechikoministi." Ndinofunga kuti Martin Luther King achatungamirira vanhu vake mukuuraiwa kukurusa kwazvo, kuuraiwa, kwavasina kumbobvira vari makuri. Uye ivo... Munoona, izvozvo hazvisi kuzounza nyika pamwe chete. Izvozvo hazvisi kuzotiponesa. Tinovapa kusanganiswa. Zvino zvatomyanyisa kushata kupfuura zvazvaiva. Maona, hazvisi izvo... handiyo nyaya yacho. Pane chinhu chete choga chinogona: ndiMwari. Uye zvirokawazvo havaChidi.

⁵⁴ Vakange vasingaVadi kumashure uko. Vakanga vachiparara, uye zvematongerwe enyika zvavo zvakange zvopamuka, nyika dzavo dzakange dziri kupamuka, chechi yavo yakange iri kuputsika, uye ivo vachichemera Mesia. VaiMuda. "Oo, titumirei Mesia." Asi paAkauya...

⁵⁵ Mwari vakapa... vanopa mhinduro kumunamato wako. Wakakumbira, zvino uchagamuchira. Uye ndizvo... Ndinogona kumbomira pano kwemaawa, pavarume nemadzimai, kunyangwe Makristu, vachinamatira chimwe chinhu; zvino Mwari vopa mhinduro asi havatombozvicherechedzi.

⁵⁶ Uye zvino, Mwari vakavapa mhinduro. Vaida Mesia. Vaiziva kuti vakambova navana Kesari, uye vakambova—vakambova navana Dhavhidhi, Vakambova navana Soromoni (murume muchenjeri), vakambova navana Dhavhidhi (varwi vane simba), ivo—ivo vakambova nemhando dzose, asi vakaziva kuti vaifanira kuwana rubatsiro rwunobva Kudenga zvino ivo... Mwari vakange vavavimbisa Mesia. Uye Vakavatumira Mesia wacho, iri mhinduro yemunamato wavo, asi vakange vasingaMudi.

⁵⁷ Handizivi, nhasi, kana minamato yedu... Munovananza vachiti, "Namatirai rumutsiriro rwukuru. Namatirai ichi. Namatirai paitike chimwe chinhu. Namatirai pave

nekubatana.” Handizivi, kana Mwari vakatumira chirongwa chakadaro, kana taizokwanisa kuchigamuchira. Handizivi kana taizogamuchira zvaVanotumira kwatiri. Munoona, Ivo... Chikonzero chatinonamatira zvinhu izvi, ndechekuti tinoziva kuti zvinodikanwa. Asi kana Mwari vakachitumira nenzira yaVanochida, zvino hachisi maererano nemadiro edu, uye saka hatizochigamuchire. Uye ndiyo nzira yazvaiva muzuva iroro. Kana Akange asiri semadiro ematendero avo uye neavo... Ivo—ivo havaizokwanisa kuMugamuchira zvakare, nhasi. Ndicho chikonzero vakabvunza mubvunzo uyu, “Uyu ndianiko? Ndianiko muchinda uyu ari kuuya?” Maona, yakange iri ngu—nguva huru. Oo, munhu wose aive... kumanikidzika. Chimwe chinhu chakanga chiri kuda kuitika.

⁵⁸ Zvino tarisai nyika nhasi, kumanikidzwa kwakadini uko nyika yose iri kurarama makuri. Ukadzika nemumugwagwa... ha—hazvina kana kuchengetedzeka uchityaira. Hazvina kuchengetedzeka kuva pamugwagwa mukuru une nzira ina. Munhu wese ari pakumanikidzwa, kutaura zvine hasha uye... Dambudziko ndereiko? Dzikama. Uri kuendepi? Ndizvo zviri kuita kuti nzvimbo dzinochengeterwa varwere vepfungwa dzizare. Ndizvo zvapinza chechi munyonganyonga yakadaro. Vaka—vakanyatsobatikana kwazvo pamusoro pechimwe chinhu. Havakwanisi kumira vocherechedza Shoko raMwari, uye nenguva yatiri kurarama mairi; vose vari pasi pekubatikana, kumanikidzwa.

⁵⁹ Uye zvino, tinoziva, tiri kuziva. Nyika ichangobva kupfuura nemune mamwe marwadzo makuru ekubereka. Zvino chechi iri kupfuura nemune mamwe marwadzo ekubereka. Yakatozofanirwa kupinda nemumarwadzo ekubereka isati yagona kupa... Mumwe neumwe wevaporofita, pavakauya munyika, aiva marwadzo ekubereka kuchechi. Nyika yakapfuura nemuHondo yePasi rose yeKutanga, Hondo yePasi rose yeChipiri, uye zvino yagadzirira Hondo yePasi rose yeChitatu. Zvino iri mumarwadzo ekubereka zvakare. Asi pane chinhu chimwe chete choga chinogona kuunza rugare, zvino ndiKristu.

⁶⁰ Zvirongwa zvedu zvose, nemazano edu, nemabasa edu ezvekunamata, uye nezvematongerwo enyika zvedu zvose, nesainzi dzedu dzose nezvinhu zvose, zvakaratidzwa kuti hazvina maturo. Zvinoka tinonamata kuti Mwari vatibatsire, vapindire, “Huyai mutiitire chimwe chinhu.” Uyezve kana Vadaro, handizivi kana tikakwanisa kuZvinzwisisa; kana tikakwanisa kuZvigamuchira; kana kunyangwe kuti tingaZvicherechedza here?

⁶¹ Zvino, ndizvo zvakaitwa kare mumazuva iwawo. Vakange vachinamata, vakambenge vaine mhando dzose dzevatungamiriri vakuru, vakambenge vari pasi pedzihurumende, vakambenge vari pasi pehumambo,

vakambenge vari pasi pezvinhu zvose, vatongi. Asi vakaziva kuti kune chinhu chimwe chete choga chinogona kuvaponesa, akanga ari Mesia aiuya. Uye *Mesia zvinoreva* “uyo akazodzwa.” Munhu aive akazodzwa. Ipapo munhu wacho, akazodzwa neShoko. Shoko rakaitwa nyama pakati pedu. Zvino paAkauya, A—Akange asingori chaizvoizvo semadiro ezvavaiMuda kuti ave; kwete semadiro avakange vanawo... aAifanira kuuya nawo. Saka naizvozvo vaka—vaka—vakadanidzira, “Ndianiko muchinda uyu? Ko mhere-mhere iyi ndeyeiko?” Boka revantuwo zvavo zasi uko vari pasuwo, vachidimbura michindwe uye...

⁶² Zvino akati, “Nhai, itai kuti vanyarare. Vanotiita kuti tihute-hute, madanidzire avanoita, nekushevedzera, uye nekungoenderera mberi.”

⁶³ Akati, “Kana vakanyarara, matombo aya pakarepo anodanidzira.”

⁶⁴ Oo, nguva yakange iri kubhedhenuka! Chiporofita chakange chiri kuzadziswa. Ndosaka! “Shumba inowomba, zvino ndiani asingazotyi? Zvino Mwari vataura. Ndiani angarega kuporofita?”

⁶⁵ “Kwete, kana Aive asiri chete semadiro edu... Kana Aive asingori chete nenzira yataiMuda nayo, nzira yatakafunga kuti Aizouya nayo, hataikwanisa kuMugamuchira.” Zvino, zvaive zvitendwa zvavo zvakavabvisa zvakanyanya kubva paShoko rakanyorwa. Vakange vari kure kwazvo, vakatadza kuMucherechedza Iye wavakange vanamatira kuti auye. Machechi avo akange avaisa kure kwazvo, kusvikira chinhu chaicho chavakange vanamatira, chaiva pakati pavo chaipo, zvino chakange chisiri maerano nemadiro avo, uye saka ivo—ivo—ivo vakatadza kuChitenda. Vaitofanirwa kubva paChiri. VakaChidzinga. Ivo... Pane chinhu chimwe chete choga chaunogona kuita kana wasangana naKristu. Kunova kuMugamuchira kana kuMuramba. Haugoni kufamba uchibva uri mukuwirirana. Haugoni kuita izvozvo. Izvozvo—izvozvo hazvisi zvako kuti uzviite. Ndizvo zvazvinongori.

⁶⁶ Chingocherechedzai, kuti vashoma vakadini vakaMucherechedza kuva Shoko Rakazodzwa, rezuba iroro. Maona, Mwari pakutanga, vasina magumo, uye vaiziva zvinhu zvose kubva kumavambo... Uye chinhu chimwe chete choga chiri zvinhu izvi kuratidzwa kwevizengwa zvaVo. Chizenga... Une chizenga. Ipfungwa yako. Unofunga chimwe chinhu, zvino unochitaura, wozochitora. Ndivo Mwari. Ivo, pamavambo... Kana uri... Kana waimbova kana kuti uchazova Kudenga, wakange uri Kudenga pakutanga. Uri chikamu chaMwari. Waiva pfungwa yaVo. Vaiziva zita rako. Vakaziva zvawaiva pasati pambova ne—ne—nemolecule, pasati pambova nechiedza. Pasati pambova kana nechimwe chinhu, Vakakuziva uye nezita rako. Vakariisa muBhuku reHupenyu reGwayana, nyika isati

yavambwa. Maona, waive pfungwa dzaVo. Uye zvakare... Zvino unozova Shoko. Zvino shoko ipfu—pfungwa yaratidzwa. Ipapo unobva waratidzwa.

⁶⁷ Ndiyo nzira yaVakange vari. Vakange vari Yoga kumavambo. Mwari vaigara voga nepfungwa dzavo. HaVachazviti izvozvo zvakare nekuti pfungwa dzaVo dziri kuratidzwa. Uye ndosaka tiri pano chaipo, zuva rino... ndiMwari vachiyana nepfungwa dzaVo, uye dzichiratidzwa. Maona? Hezvoka patiri. Saka, iwe, nekufunganya, haugoni kuwedzera kubiti rimwe kuchimiro chako. Haugoni kuita *ichi*, *icho*, kana *chimwe*. NdiMwari vanoratidza tsitsi. NdiMwari. “Vose vaNdakapihw naBaba vachauya kwaNdiri, uye hakuna munhu anogona kuuya kunze kwekunge Baba vaNgu vamukweva.” Zvatopera.

⁶⁸ Zvino, chingocherechedzai, kuti vashoma vavo vakadini muzuva raKe, vemamiriyoni vaiva panyika, vakange vasina kumbobvira vakaziva pamusoro paKe kuti aivapo. Chimbofungai, paiva nemakumi... mamiriyoni evanhu vasina kumbobvira vakaziva chimwe chinhu nezvazvo. Nekufunga, mulIsraeri panguva iyoyo, maiva nemamiriyoni maviri nehafu evanhu muParastina, evaIsraeri, zvino chikamu chimwe chete kubva muzana chavo ndicho chakaziva nezvazvo. Ndosaka Akati, “Suvo rakamanikana uye nenzira inhete, asi vachange vari vashoma vachaiwana.” Chingofungai kuti vangani vasina kuMucherechedza! Vasina kuziva kuti Aiva Wacho. Uye ivo vari padyo chaipo nepaAiva; ndicho chikamu chinosuwisa.

⁶⁹ Avo vakafamba naYe, nekuMuona mumugwagwa, nezvimwe zvakadaro... ivo—ivo havana kucherechedza kuti Aiva Ani, nekuti Satani akaona kuti Awana zi—zita rakanyanyisa kusviba raigona kupihwa kumunhu. Akadaidzwa nenyika, nyika yepanyama, A—Akadaidzwa achinzi mwana akauya zvisiri pamutemo, nekuti akati amai vakange vaine pamuviri paKe, naJosefa, vasati varoorwa naye. Saka akaMupa zita risiri pamutemo.

⁷⁰ Uye zvakare, che—chechi yakaMuona musimba raKe guru rekuratidza. Kuratidza chii? Kwete kuratidza chitendwa! Akanga achiratidza Shoko! Akange ari Shoko Rakazodzwa, pachaKe. Zvino pavakazviona izvozvo zvichiitika (kuratidzwa kwacho, Mesia Akazodzwa), vakaZviramba. Vakange vasingaZvidi. Zvakange zvisiri maererano nemadiro avo. Ndicho chikamu chinosuwisa. Vangani...? Chingozvifungai! Sezvazvaingova mune mamwe mazuva.

⁷¹ Munona, munhu woga-woga akange aine dudziro yake yeShoko. Ndizvo zvacho... chikonzero Israeri isina kucherechedza Mosesi. Ndicho chikonzero nyika isina kucherechedza Noa. Ndicho chikonzero vaporofita vose vasina kucherechedzwa. Vane dudziro yavo pachavo yeShoko. Asi Mwari, muzera roga-roga, vakava naMesia waVo. Maona?

Kuramba Mharidzo yaNoa, kwaiva kuramba Mwari. Kuramba Noa, kwaiva kuperara. Kuramba Mosesi, kwaiva kuperara. Kwaiva... Vakange vari vanaMesia Vakazodzwa vezera iroro, Shoko rakange rakavimbiswa rezera iroro. Zvino pakauya Jesu, Aiva huzaro hweShoko.

⁷² Mwari, pachaVo, vakagadzirwa muchimiro chemunhu, vaine mapfupa nenyama; Muzodziwa Wacho. Uye vaifanira kuzviona. Asi munoonaka, chechi yavo—yavo yenyika yakange yawedzera kwazvo apa nekubvisa apa ne—nezvimwe zvakadaro, kusvikira zvakange zvavhiringidzwa kwazvo kusvikira va—vakavimba nechechi yavo panzvimbo ye—yeShoko. Zvino pavakaona chechi yavo yazodzwa, zvino vakafunga kuti chimwe chinhu chikuru chakange chiri kutora nzvimbo. Asi pavakaona sho—Shoko rakazodzwa, zvino vakati, “Ndiko kupengereka. Murume uyu ndidhiyahore, Bherizebhabhu.” Nekuti zvakange zvichipesana kwazvo nechechi yavo kusvikira... zvitendwa zvechechi yavo nevvavakange vaita. Uye zvakange zvakadaro mukuuuya kwose kwemuporofita, chechi yainge yakavhiringika kwazvo.

⁷³ Mwari vakatumira zasi mirairo yaVo uye vakavapa sungano. Zvino muprisita aiuya zvino obvisa, uye owedzera, nekutora achiisa apa, zvino oita chitendwa kubva pazviri. Uye zvakare, Mwari vaisimudza kubva kusina hako chinhu, mumwe murume akazodzwa uyo akasimudzwa musimba reMweya. Uye akange achigara akavengwa nevaprisita, nemadzimambo. Uye—uye uko vaporofita venhema kwavaipfeka nhumbi dzavo dzakapfava, vachifamba mukuzvininipisa, uye muhunyoro pakati pemadzimambo nevaprisita, kuti vakodzere kuva nemazita makuru ne—nezvinhu. Zvino muporofita chaiye, wechokwadi, akanga asina kwaakabva, kwete kana rimwe remasangano avo.

⁷⁴ Ndepapi—ndepapi muBhaibheri pakambova chero nemumwe, apo Mwari vakatora muprisita vakamuita iye muporofita? Ndepapi Mwari pavakatora mudzidzi webhaibheri wezvinamato (murume akadzidziswa, murume akadzidziswa zvedzidzo yebhaibheri) uye vakamuita iye muporofita? Hakuna kana munhoroondo chero yekupi zvayo, paVakambozviita, mune chero zera haro... paVakambozviita. Anotofanira kubva pane hurongwa ihwohwo, uye ozvitaura. Zvino ndizvo zvaVakaita pano.

⁷⁵ Jesu, paAkazvarwa muBheterehema reJudhea, kubva mumhuri yeverombo, uye Akange asina nhoroondo sekuziva kwavaiita, angori werumwe rudzi rwa—rwajudha, uye mai nababa vaKe vakange vari vedzinza raDhavhidhi; zvino vakatozouya kuzotereswa. Zvino heunoi Ari pano, achingova muchinda wechidiki, aripo... asina zvaaiita kunze kwekubvarura machechi. Zvino vakange vakaMuvenga. Uye havana chavaikwanisa kutaura kunze kwekuti murume iyeye akaita minana. Petro akazvitaura izvozvo paZuva rePentekosti,

akati, "Jesu, weNazareta, Murume akaratidzwa naMwari pakati pedu, kuti Mwari vakange vanaYe." Uye kwete kuwedzera kuShoko raVo kana chimwe chinhu; kuzviita kuti zviwedzere kujeka: "Akange ari Mwari vakaitwa nyama pakati pedu. Mwari vanesu."

⁷⁶ Uye ndichitaura nehumwe husiku, kuti Mosesi, akamira ipapo neruoko rwake rwuri muchipfuva chake, iye...aiva Mwari muna Mosesi. Iye...(akachengeta zvakavanzika mumoyo make), akarwutambanudza rwakachena nemaperembudzi. Ndokurwudzosera zvakare muchipfuva chake akarwupodza, ndokurwutambanudza zvakare kwatiri paAkatumira kuno Mweya Mutsvene; wakange ari Mwari, zvakare, ari mune chimwe chimiro paZuva rePentekosti. Zvino isu tinoHuramba. HatiUdi. Ndizvo zvavakaita kumashure. Ndiyo nzira iyo pamwe yatinozviita nhasi.

⁷⁷ Tinoona, munhu wese ane dudziro yake oga. Ndosaka zviri kuvhiringidza kwazvo. Asi munoziva, Bhaibheri rakataura, kuti, "Shoko rino harina dudziro yepakavanda." Haridi dudziro yechiPresbyteriani yaRo. Haridi dudziro yechiBaptisti. Uyewo haRidi dudziro yechiPentekosti. Mwari Vanozvidudzirira voga. Vakataura kuti Vanozozviita, saka Vanongozviita, zvino zvinobva zvatopera. Saka ndosaka vachiona Shoko revimbiso rakazodzwa uye ipapo ivo—ivo havagoni kuRigamuchira, munoonaa, nekuti Rinopesana nezvitendwa zvavo—zvavo.

⁷⁸ Izvo Mesia (Uyo Akazodzwa) anozoratidzika, uye nezvaAnzoita; zvakange zviri kure nemanzwisisiro avo. Uye zvakare pazvakaverengwa kwavari zvichibva muMagwaro, izvo zvaAizoita, zvakadaro havana kuZvinzwisia. Nekuti varume vachenjeri ava pavakadzika, kubva kumusoro kuBhabhironi, vakange vari sekuchamhembe kwakadziva kumabvazuva kweJerusarema, ndokutarisa zasi zvino vakaona Nyeredzi iya ichitungamirira kumadokero. VakaItevera kwemakore maviri, vachiuya zasi mhiri kweRwizi Tigris, vachipfuura nemumipata neShinari, vachidzika zasi, ndokuuya kuguta guru rezvinamato zvose. Chinamato chikurusa pasi rose, mutemberi, muJerusarema. Uye vachikwira nekudzika nemigwagwa vachiti, "Aripiko? Aripiko Akaberekwa ari Mambo wemaJudha?" Nhai, hapana munhu akaziva chimwe chinhu pamusoro pazvo. Zvaishamisa.

⁷⁹ Zvakatovhiringidza vaSanhedrini...vakadana vadzidzi zvino vakati, "Verengai muMagwaro apo Mesia..."

⁸⁰ Zvino vakaenda vakatora ma—Magwaro ndokuverenga kuti Mika akataura kuti, "Kubuda...Judhea...Bheterehema reJudhea, hausiwe here mudiki pakati pemachinda ose? Asi kubva mauri kuchauya mutongi uyu."

Munoonaa, panzvimbo yekuferefeta, vakangozvikandira kurutivi, "Saka, zvinhu zvekungopengereka." Maona? Ndosaka

vafudzi vakatora Mharidzo. Maona, havadaro... Vane dudziro yavo yoga, nokudaro, va—vanopotsa chinhu chaicho chechokwadi.

⁸¹ Asi sezvazvakagara zviri, paAkauya, Akauya chaizvoizvo nenzira yakataurwa neShoko kuti aAizouya nayo. Akauya muguta chaizvoizvo, zviri muchidzidzo chedu mangwanani ano, nzira iyo Shoko rakati Aizouya. Zvino vakati, "Uyu ndianiko?" Munoona here zvandinoreva? Vaifanira kunge vakaziva kuti Aiva ani. Uye pano... kwete nyika yekunze, as inyika yemachechi yakati, "Uyu ndianiko? Uyu ndianiko?" Ipapo, apo, Magwaro akanga ataura zvakajeka kuti ndiyo chaiyo nzira yaAizouya nayo. Zvino vanoti, "Uyu Ndianiko? Ndiani muchinda uyu? Ko manyawi ese aya ndeei? Mirai kuita ruzha rwose urwo, zvinotii kuti tihute-hute." Uh-huh. Maona? Chi... Maona? Chinhu chaicho chavakanamatira chakange chiripo chaipo paruoko rwavo, uye havana kuchicherechedza. Uye Akauya chaizvo-chaizvo nenzira yakataurwa neGwaro kuti Aizouya nayo. Uye Akauya nhasi, Anouya nenzira chaiyo yakataurwa neGwaro kuti Aizouya nayo. Anogara achiuya sepamadiro eShoko raMwari, uye kwete semadiro epfungwa dzemumwe mudzidzi webhaibheri pamusoro pazvo.

⁸² Gara zviya, maiziva here kuti Shoko raMwari harina kumbobvira rakauya kumudzidzi webhaibheri? Wanaika Magwaro paRakambodaro. Shoko hariuyi kuvadzidzi vebhaibheri; kwete zvachose. Asi munona, dai Shoko rainge raratidzwia nhasi, Shoko rezuva redu, Rinenge riri nenzira yemadiro eShoko raMwari. Kwete sezvinodiwa nepfungwa dzemumwe munhu. Mwari vanozotora Shoko raVo raVakavimbisa kuzuva rino, zvino voRizodza, uye Raizoitika. Ndizvo zvoga. Hakuna nzira yekuRidzivisa kuti risaitike. Rinozviita zvakadaro, zvisinei nokuti chechi inoti chii uye kuti vamwe vose vanotendei uye, izvozvo, Mwari vachazviita zvakadaro. Kuchangova nevashoma-shoma chete vachaziva pamusoro pazvo. Ndizvozvo, vashoma-shoma chete. Zvakagara zvakadaro.

⁸³ Munoona, nedudziro yavo yoga, Havana kugona kuita chimwe chinhu zvakare nekuti vaizembera kune zvavakaudzwa nechechi. Asi Aizouya... Anogara achiuya ipapo... Akazviita kumashure, waro, uye Aidaro nguva dzose dzaAiuya, uye zvose zvaAnoita, zvinenge zviri semadiro eShoko. Saka nokudaro, hatigoni kuisa ruvimbo mune zvinotaurwa nevamwe vanhu. Pane chinhu chimwe chete choga chaunogona kuisa ruvimbo machiri, zvino ndiro Shoko. Uye Shoko ndiMwari. Uye Shoko rakazodzwa rinoita kuti Mesia; ave Shoko rakazodzwa renguva. Zvakaisvonaka sei! Vakazvipotsa, Shoko; chokwadi... Vaiva... Shoko rinogara riri chokwadi, asi dudziro yavo yaRo yakange isiriyo.

⁸⁴ Handizivi kana chinhu chikuru ichi, iyi Kanzuru Yemachechi yatinayo munyika nhasi, uye neMubatanidzwa wemaChechi ePasi rose uri kuumbika pamwe chete kutiita tose vamwe... Handizivi kana vakazvicherechedza kana...Kuti ndizvo chaizvo zvakataurwa neMagwaro kuti vaizoita. Asi vanofunga kuti chinhu chakanyanyisa kunaka munyika, kuti isu tose tinogona kubatana maoko uye tigova vamwe. Vakati, "Jesu akanamata kuti tive vamwe." Ichokwadi. Asi kwete humwe hwemhando iyoyo.

⁸⁵ Akati, "Ivai vamwe sehumwe hwaNdiri naBaba." Hongu, ivai mhando yehumwe hwakadaro. Zvino zvichadaro sei? Shoko riri matiri rinenge riri Shoko rakazodzwa. Ndihwo humwe hwaMwari. Maona, humwe hwaMwari iShoko rakazodzwa mauri. Maona? Uyezve unobva wava mwanakomana (mesia) wezera.

⁸⁶ Zvino tinoona vanhu vakangofanana. Vanhu havashanduki. Vanhu ava vakange vakapatsanurwa mumapoka matatu. Zvino tichatarisa izvozvo kwemaminitsi mashoma zvino. Ndinoziva ndichati nonokei zvishoma, kana zvakakunakirai. Ndinongononoka, ndi—ndi—ndinongo...handizivi; Ndi—ndinopinda ndonyora Magwaro pasi, nezvinyorwa zvidiki. Uye zvadaro ndi—ndinosvika ikoko zvino mwe—Mweya Mutsvene unobata rimwe, zvino ini—ini—ini—ini...zvinongoita sezvisina magumo kwazviri. Zvinongoramba zvichienda. Asi, zvino, kuchidzidzo chedu.

⁸⁷ Vakange vakapatsanurwa, ipapo, kuva mapoka matatu akasiyana, vaine maonero matatu akasiyana. Vamwe vavo vaiMutenda. Vamwe vavo vaiMuvenga. Uye vamwe vavo havana kuziva zvekuita.

⁸⁸ Maona? Ndiyo—ndiyo nzira yatakazviwana. Ndakaparidza, ndinotenda kuti muchechi ino, kamwe: *Vatendi, Vatendi vekabanga, neVasingatendi*. Vatatu ivavo muboka, mu—munavo kwese-kwese. Ava vatatuwo muboka, zvakare; tichiona chinhano chevanhu ichi chakagara chakadaro. Tinogona kudzokera kumashure chaiko tigoratidza, kuti ndicho chinhano chevanhu nguva dzose. Vakagara vari mumhando yechinhano ichocco.

⁸⁹ Zvino nekuona kuti zvakagara zvakadaro, zvino zvinotiita kuti tirerekere pane kutenda kuti Mwari vakagadzira vanhu kuti vange vakadaro. Handiti, Vanoita kuti muvengi waVo aVarumbidze. Zvinhu zvose...Pauro, achinyora, muna VaRoma, chitsauko 8, akati, "Oo, munhu benzi. Ko dha—ko dhaga ringati here kumuumbi, sei magadzira zvangu... ini kudai? HaVana here simba rekugadzira mumwe mudziyo kuti ukudzwe nemumwe kuti usakudzwe?" Ko dai Vasina kumbenge vakagadzira husiku? Hawaizombofa wakayemura kupenya kwezuva. Dai kwaiva kupenya kwezuva kwoga,

hawaizoziva kuti unokuyemura sei. Ko dai kwaisava nehurweref? Hawaimbofa wakaziva kuyemura hutano hwakanaka. Ko dai kwaisava nevanhu vakaipa? Kusina madzimai akaipa? Mudzimai akanaka haaizokudzwa. Maona? Vaisagona... Rukudzo rwaisazova rwake, nekuti ndizvo zvazvinongova nzira yose, zvinongova chinhu chimwe chete chakangodaro. Asi murawo wezvinopesana.

⁹⁰ Mwari vanozviita saizvozvo: mumwe agova asina kukudzwa zvakanyanya, kuti aratidze uyo anokudzwa; kuti mumwe ave akatsveyama zvakanyanya kwazvo, zvinoratidza... Dai zvisizvo, izvozvo ndizvo zvaizova chinhu chechokwadi. Kana dai pasina... Hakugoni kuva nedhora renhema kusvika pava nedhora rechokwadi. Uyezve renhema ndiro... Kana dai rakangogadzirwa riri renhema pakutanga, zvino ndiro raizova rechokwadi racho. Asi ri—rinotevedzera. Hakukwanisi kuva... Hakukwanisi kuva nechivi kusvika kwava nekururama. Nekuti kururama ndicho chi—chinhu chechokwadi, uye chivi ndiko kutsveyamiswa kwekururama. Nemamwe mashoko, chokwadi ichokwadi. Nhema hadzigonni kuva nhema kusvikira pava nechokwadi kutanga; kutsveyamisa chokwadi ichocco kuti chive nhema. Saka chivi chose hachina zvachiri kunze kwekuva kururama kwakatsveyamiswa. Naizvozvo, pane maitiro ari munyika.

⁹¹ Maitiro maviri; uye mamwe acho maitiro *echokwadi*, uye mamwe maitiro *akatsveyamiswa*. Zvino mamwe acho iShoko raMwari, ranova chokwadi; uye shoko remunhu wose inhema. Uye chirongwa chemasangano ichi chatinacho nhasi, chiru kugadzira Mubatanidzwa wemaChechi ePasi rose vachigadzira munembo wechikara kuti uvabatanidze pamwe chete, ndicho chinhu chakatsveyama. Zvino vanhu vari kufamba vachipinda mazviri vasingaoni.

⁹² Mwari vakasoisa chinhu panyika chokuti vadzikingurwe nacho. Asi vanofunga kuti zvinhu zvekupengereka. Havazvidi. Vanozvikandira kunze. Vanofunga kuti vanofanirwa kuita chimwe chinhu pamusoro pazvo. Vanofanira kugadzira chirongwa chavo. Mwari vakatogara vane chirongwa pano, Shoko raVo. Asi hatiRidi. Saka tinozviona nhasi, sezvavaingova kumashure.

⁹³ Uye zvino, tichiona kuti vanhu vakagadzirwa kuva saizvozvo... Cherechedzai, munoti...ini—ini ndinoziva ndinotora nguva yakawanda, asi handidi kuramba ndakatarisa iyo nekuti zvinondiita kuti ndihute-hute. Maona?

⁹⁴ Zvematongerwe enyika; zvino tinotora sezvakaita... Ngatimbotorei semuenzaniso... kuti tione kana vanhu vakagadzirwa kuva mumapoka matatu—matatu. Ngatitorei zvematongerwe enyika. Kune vamwe vanonyatsodisia munhu. Zvino rimwe boka rakamuvenga. Uye rimwe boka harizivi

zvekuita naye; havazivi kuti ndezvipi, zvino zvinovakandira mukuvhiringidzika.

⁹⁵ Murume *uyu* akati, “Oo, murume mukuru. A—anotiitira Mukuru wenyika akanakisa.”

Mumwe munhu akati, “Hapana zvaari kunze kwekuva mupanduki.”

⁹⁶ Zvino avo vari *pakati-nepakati* vakati, “Zvino handizivi zvekuita.” Maona? Muri kuona, takagadzirwa nenzira iyoyo. Takaitwa nenzira iyoyo. Ndizvo zviri vanhu. Zvaifanira kuva saizvozvo kuzadzisa hupfumi hukuru hwaMwari. Uye nokuita budiriro yaVo iyo yavari kuzobudirira pairi panyika, munhu aifanirwa kunge akagadzirwa saizvozvo. Mumwe ndewe *chokwadi*. Mumwe ndiye *akatsveyama*. Uye mumwe ndiye ari *pakati nepakati* pevaviri ava. Zvakagara zvakadaro.

⁹⁷ Cherechedzai, vanozviita izvozvo nguva dzose pavanenge vasingazine... Munhu ari pakati nepakati, inzvimbo yakashata nekuti: mumwe anogona kuratidza chikonzero, sei achifunga kuti iye ari pachokwadi; mumwe wacho anogona kuratidza kuti anofunga sei kuti ari kukanganisa; zvino uyo ari pakati nepakati haazivi chinhu pamusoro penyaya yacho, haazivi kuti otendeukira kupi. Zvino ndizvo zvazvinongova muchinamato. Vanhu vanoita chinhu chimwe chete nhasi pamusoro peramangwana ravo remuna Ziyendanakuenda.

⁹⁸ Zvino tichamborwadzisa, kweminiti chete. Vanozviita pamusoro peramangwana ravo remuna Ziyendanakuenda. Munhu anoenda zasi pano paye—paye... kunodya. Zvino ukawana buwebuwe mumbiya yako yemuto, unenge wotoda kusungisa kambani iyoyo kana nzvimbo yekudyira iyoyo. Handiti, haudyi muto iwowo, nekuti unenge wava nemuchetura. Iwe—iwe—iwe—iwe haungautore zvachose, zibete hombe kana chimwe chinhu chakakwatisirwa mumbiya yemuto iyi. Handiti, haungazvitore zvachose. Zvinotokurwarisa kufunga pamusoro pazvo. Asi zvakadaro, unorega boka revadzidzi vebhaibheri vachisairira zasi chimwe chinhu nemuhuro yako chinozokuita kuti uve kure naMwari mamaera miriyoni, uye wotozvimedza. Apo, “Munhu achararama neShoko roga-roga rinobuda mumuromo maMwari.” Ingetani iyo mweya wako yawakarembora pamausoro pegehena nayo. Uye sezvandakatura kumashure, “Ngetani yakasimbisia panzvimbo yehutera hwayo hwakanyanyisa.” Chibatanidzo chimwe chete chikadimbuka... ndizvo zvega zvaunofanira kuita kudimbura chimwe chazvo; ndizvo zvoga. Zvimwe zvose zvinosununguka pamwe nacho. Inongova yakasimba sechibatanidzo chayo chine hutera hwakanyanyisa.

⁹⁹ Zvino... Zvino munhu anoziva kuti ukadya muto iwoyo une buwebuwe rine muchetura mariri, unogona kukurwarissa. Unotofanira kuenda kuchipatara, uye—uye ugonoita kuti dumbu

rako ripombwe uye nematambudziko mazhinji aunopfuura nemaari. Zvino inogona chaizvoizvo kukuuraya. Asi, ini zvangu! Unozo... Handiti, hauzombofi wakaenda panzvimbo yakadaro. Hauzombofi wakada kutsika musuwo iwovo zvakare, nekuti u—u—unotya kuti unozoisirwa muchetura ukafa. Uye saizvozvo munonyatsobatana, monyoresa mazita enyu mubhuku, zvino morwira chikonzero chechinhu chakanzi neBhaibheri, “Hachisi kupomera mutumbi wako, asi chiru kutumira mweya wako kugehena.” Maona? Zvinoshamisa sei zvinoitwa nevanhu. Ivo—ivo va... Vanotora ramangwana ravo remuna Ziyendanakuenda, voriisa pamusoro pechimwe chirevo chedzidzo yebhaibheri. Zvino unogona kuvaunzira Gwaro, woti, “Izvi ndizvo zvinorehwa neBhaibheri. Hezvinoi izvi pano chaipo.”

¹⁰⁰ Zvino mudzidzisi webhaibheri anoRitarisa, “Saka, zvakanga zviri zverimwe zuva.” Maona? Zvino iwe unomuteerera. Unoona zvinotaurwa naMwari. Mukristu chaiye, wechokwadi anoteerera chete kuShoko iroro, uye ndizvo zvoga. Munhu waMwari anorarama neChingwa ichocho.

¹⁰¹ Cherechedzai, vamwe—vamwe vanotenda muShoko. Pachiitawo vamwe vanotenda mududziro yesangano ravo. Uye kune vamwe, nekuvhiringika uku, vasingazivi zvekutenda.

¹⁰² Zvino *vamwe* vavo vakati, “Oo, uyu Mubatanidzwu wemaChechi ePasi rose, ndiwo uchava chinhu chaicho. Uchatiiita tose kuti tive vamwe. Oo, ndizvozvo chete.”

¹⁰³ Zvino *vamwe* vanoti, “Handiti, ndezvadhiyabhore! Hezvinoi izvi zviri muGwaro.”

¹⁰⁴ Zvino *munhu asingatori nguva* yekugara pasi achinamata nekuvezvina, akati, “Oo, kanganwa nezvavzo.” Uh-huh. Kuzvikanganwa? Ndeyako... nechirevo chako, hama, nechinzhimbo chako, nedanho raunotora, zvichakuendesa kune ramangwana rako remuna Ziyendanakuenda kwauchazova nekusingaperi. Regedza kudaro.

¹⁰⁵ Zvakakodzera kwatiri kuti tigare pasi kana chimwe chinhu chakadai chasimuka. Zvino mubvunzo, semumazuva aJesu; pavakauya, chechi yakati, “Oo, Anongova mupanduki. Hapana zviripo paAri.”

¹⁰⁶ Asi Mumwe akati, “Nzverai Magwaro,” Akati, “maAri munofunga kuti mune Hupenyu Husingaperi, uye Anokuudzai kuti Ndini Ani.”

¹⁰⁷ Zvinoka varume, vakadzi, vane chimiro hacho cheChikristu, kana vane chido neramangwana ravo remuna Ziendanakuenda, vanofanirwa kunzvera Magwaro nekuona kuti Aive Ani. Zvinoka mubvunzo ungadai usina kunzi, “Uyu Ndianiko?” Vaizoti, “Heunoi Ari pano!” Ndiwo musiyano. Munona, munhu, va—va—vakangorerekera kuva izvozvo. Vamwe

vakatemerwa kwazviri. Zvakaoma kuzvitaura, asi ichokwadi. Zvinozviratidza. Maona?

¹⁰⁸ Zvino, nhasi, *vamwe* vanoti, “Ndinotenda Shoko. Shoko ndiro Chokwadi; Shoko raRo rose.”

¹⁰⁹ *Vamwe* vanoti, “Ah, vafundisi vedu vanoenda kunodzidza mhando iyoyo ye... Vanoziva zvekutaura pamusoro paRo.”

¹¹⁰ *Mumwe* akati, “Saka, handizivi. Ndakajoina *iyi*. Handina kufarira *iyo*. Ndakaenda neche uko ndikajoinha *iyo*. Ini—ini handizivi kwekuti ndinge ndiri.” Maona? Ndizvo zvazvaingova kumashure, mhando imwe chete yeboka revanhu. Saka zvakangogara zvakadaro, kubvira kumavambo, uye zvichagara zvakadaro.

¹¹¹ Zvino ngaticherechedzei Chokwadi cheBhaibheri panyaya *iyi*, uye tione kana Chiri chechokwadi; kwemaminitsi mashoma chete zvino... Adhama... Kumavambo zvakatanga sekudai, nzira yatanyatsozviwana nhasi, haisati yashanduka nepadiki pose. *Adhama* aiva “mutendi.” *Satani* akange “asingatendi”; akange asingatendi Shoko. Saka akatora *Evha*, aiva “asina chokwadi” kuti Zvaiva chokwadi here kana kuti kwete. Maona? *Satani*, uyo asingatendi... Mwari vakati, “Zuva rauchaudya, zuva iroro uchafa.”

¹¹² *Satani* akati, “Hazvina kunaka.” Maona, uye haana kuZvitenda. Adhama akaZvitenda. Saka akashanda neuyo aiva ari pakati nepakati. Havana kugona kunyatsoziva... mudzimai haana kugona kunyatsoziva.

¹¹³ Zvino, cherechedzai, mudzimai pano anomirira chechi yemasangano ichauya inonzi mwenga. Inotangira muna Genesi. Imbeu. Unotangira muna Genesi; unonyatsoona mufananidzo wako zvakananga. Maona? Zvino, pano akamiririra chechi yanhasi nekuti vamwe vanoti (zvino tinotora maPresbyteriani, nemaLutherani, uye nevose vachiuyako, vanamuzvinabhizimu ava nevamwe vakadaro), “Tinoda kuva... Tinoda rubhabhatidzo rweMweya Mutsvene. Ti—tinoda kuRwuwana.”

¹¹⁴ Munocherechedzawo here zuva ratinogona kuva tiri mariri? Maona? Zvinogona kuitika kuti havafe vakaUwana. Munoziva here kuti Jesu akati, “Kana ivo, mhandara yakarara...?”

¹¹⁵ Zvino, rangarirai, mhandara yakarara payakauya kuzotsvaka Mafuta. Dzakavharirwa kunze. Haina kuAwana. Haina kumbobvira yaAwana. Munocherechedza here kuti mushure mekunge Mwenga waenda, wabvutwa kuenda Kudenga, machechi acharamba achienderera mberi, vanhu vachifunga kuti vari kuponeswa uye nezvimwe zvese sezvavakangogara vachiita. Vachienda mberi sekungova kwazvaiwa mumazuva aNoa. Vakaramba vachipfuirira mberi vachidya, vachinwa, nezvimwe zvose sezvavakangogara

vachiita. Havana kuzviziva, asi musiwo wakange wavharwa. Uye zvinogona kuve zvakadaro, shamwari, kuti musiwo unogona kuvhara chero nguva. Pamwe kare, semaziviro andinoita. Hatinzivi.

¹¹⁶ Pachangova nevashoma vavo vachapinda, tinozviviza izvozvo. “Sezvazvaiva mumazuva aNoa (mweya misere yakaponeswa), ndizvo zvazvichava mukuuya kweMwanakomana wemunhu.” Pachangova nemweya mishoma ichaponeswa. handisi kuti vasere. Vanogona kuva vari mazana masere kana...Ini—ini handizivi kuti vangani. Zviuru zvisere...Ini—ini handizivi. Mamiriyoni masere...ini...

¹¹⁷ Asi munoona, Mwenga hausi kuzogadzirwa nekaboka kadiki chete kari pano panyika zvino. Apo panguva yechinomwe, paAkaya, mhandara dzose idzodzo dzakamuka dzikagadzirisa marambi adzo, kwese tichidzokera kumashure, munhu wese aitenda Shoko rakazodzwa zvichidzika nemuzera anomuka. Sepiramidhi, chikamu chekuzasi, uye ndokukwira, asi Dombo repamusoro raifanira kuuya kuti ritore chinhu chacho chose kuchiita pi—piramidhi. Munoono, kuzviisa pamwe chete. Zvino, Mwenga uchange wakagadzirwa navose avo vemumazera, vakatenda uye vakagamuchira Kristu seMuponesi wavo.

¹¹⁸ Zvino, Eva akange asina chokwadi. Adhama akamuudza, akati, “Zvino, Mwari vakati, Mudiwa, kuti, ‘Zuva ramounoudya, zuva iroro munofa.’”

¹¹⁹ Asi vakati...Satani akati, “Zvirokwazvo izvozvo hazvingava zviri izvo. Unofungidzira ba—Baba vangabata zvakadaro kuvana vaVo...Kungonakidzwa kushoma, chinhu chakadaro. Zvirokwazvo haZvina kudaro.” Maona?

¹²⁰ Zvino ndekupi kwaakazopedzisira atendeukira? Akazobva atendeukira kune “zvirokwazvo.” Uye ndizvo chaizvoizvo zvinoitwa nechechi nhasi, chaizvo. “Oo, zvirokwazvo...Tiri chechi huru. Tiri vanhu vakuru. Takange tavepo kwenguva refu...Zvinhu zvose izvi zvavanodana kuti kupengerekwa kunze kuno, izvi—izvi zvinhu zvavanodana kuti rubhabhatidzo rweMweya Mutsvene nezvose, hazvina maturo! Munoono, kuti...Hakuna chinhu chakadaro. Ah, zvirokwazvo...ndinobhadhara chegumi. Ndinoenda kuchechi. Amai vangu vakaenda kune...Zvirokwazvo Mwari...” Asi, Mwari vakataura zvakasiyana, uye ndiyo nzira yazvichazova, zviri maererano nekuda kweShoko raVo. Vakataura zvichazova zera rino rechechi yeRaodhikia. Ndine bhuku rakatsaurwa riri kubuda, pamusoro pazvo, nenguva pfupi, Ishe vachitendera, munoono, reRaodhikia ino, kuratidza kuti yakatopfuura kare, kuti yakatopfigirwa mukati imomo, uye Kristu ari kunze. Hapana paAkati akadzokera mukati zvakare, munoziva. Saka tinozviona nhasi, ichiisa Shoko kunze, sezvazvakangogara zviri.

¹²¹ Zvino, cherechedzai, Mosesi, Shoko rakazodzwa...kana kuti tinomudana...Ndinovimba muchanzwisisa, pandinotaura kuti aiva Mesia. Aiva Shoko rakazodzwa rakange rakavimbiswa rezuba iroro. Mosesi ndizvo zvaava! Munozvitenda here izvozvo? Chokwadi, shoko—shoko rekuti *Mesia* rinoreva kuti “muzodziwa.” Maona? Zvino, Noa aiva *muzodziwa* wezuva rake. Abrahama akange ataura kuti kuchazova...Vanhu vake vaizova munyika yehutorwa kwemakore mazana mana vari muhutapwa, uye vaizobuditswa neruoko rwune simba, uye nezvaaizoratidza: zviratidzo zvake nezvishamiso...uye—uye nezvizvarwa zvakange zviri kutevera, nezvaizoitwa. Zvino Mosesi akamirapo, *Shoko* riya *rakazodzwa* rezuba iroro. Ndosaka aigona kuisa ruoko rwake muchipfuva. Sei? Aiva akamira muHupo hwaMwari. Amen! Kubwinya kukuru kweShekina kwakamukomberedza kwose. Kuita kwose kwaaiita kwaimiririra Mwari. Ndipo panofanirwa kunge pakamira chechi zvino. Ndizvozvo! Panzvimbo yekudaro, takarasika tiri pane kumwe kupengereka kwechimwe chinhu chesangano.

¹²² Asi Mosesi akange akwezvwa meso, zvino akatsauka. Zvino hapo paiva neShongwe yeMoto iya yakarembera ipapo mugwenzi riya. Zvino hepanoi Mosesi amire akazodzwa. Pasina kupokana murume wacho haana kana kuziva zvaaia. Micherechedzo yaakapihwa paakamira ipapo aine tsvimbo yake yemufudzi, uye akaziva kuti yaizova tsvimbo murenje. Yakashanduka kuva nyoka, zvino ikazova yananiso; nyoka iyoyo yakava saizvozvo, murenje. Zvinhu zvose zvaakaita...Zvaive zviratidzo nemanzwi aitaura kuvanhu. Munoona, pakange pane chimwe chinhu chakange chakabatanidzwa naye. Uye Mosesi anogona kunge aisatombozviziva izvozvo pachake, asi akange ari *Shoko* rakazodzwa rezuba iroro. Akange ari Mutumwa akazodzwa. Saka kana akange ari Mutumwa wenguva iyoyo, akange ari Mesia wenguva iyoyo. Akange ari *muzodziwa*.

Zvino, iye, Joshua, naKarebhi, vaiva vatendi muboka (cherechedzai) uye vakaedza kudzidzisa vamwe Chokwadi. Asi munona, Satani (Dhatani naKora) vakakonzeresa vamwe kuti vaparare murenje. Zvino, raiva dambudziko rei?

¹²³ Mwari vakange vadana Mosesi. Akange asingadi kuenda. Vaporofita ivavo vakange vase zvinhu zvakadaro zvekuita kusvikira ivo—ivo...Chakange chiru chinhu chakaoma kuita. Vakange vasingadi kunge vachibuda kunze, uye vachinyombwa. Vaida kuva neyanano uye vopindirana nevamwe vose ne—nekufambidzana nehama. Asi munona, sezviri...Ndinotenda...Ndakanganwa kuti akange ari muporofita upi, akati, “Kana...handidi kuita izvi,” (nemamwe mashoko) “asi moyo wangu wose uchabatira moto. Mwari vataura uye ndinofanira kuZviita.” Zvisinei kana vaiZvida; kana vakamuroverera; kana vakamutaka nemabwe; chero

zvavaiita... Mwari vakataura mumoyo make, uye anofanira kuZvitala. Kwete kuve akasiyana, asi kuteerera. "Kuteerera kuri nani kupfuura chibayiro; kuteerera, kune mafuta emakondohwe." Munona, Zvaiva mumoyo make. Anofanira kuzviita. Hwakange uri Hupenu hwake. Akange asingagoni kuZvidzora. Paiva nechimwe chinhu, rimwe simba rinovhutira, raivasundidzira. Vaisagona kuZviropafadza kana kuZvituka. Mwari vakange vaine simba rose kwazvo pamusoro pavo kusvikira Va—Vakange vari izwi ravo, maitiro avo. Hareruya!

¹²⁴ Ndipei Chechi yakanyatsozodzwa zvizere naMwari kusvika maitiro avo acho ose nemafambiro zvinova ZVANZI NAJEHOVAH, ichifamba muKubwinya kuya kweShekina, ndichakuratidzai Mesia (muzodziwa waMwari) akamira panyika.

¹²⁵ Hepanoi Mosesi amire pagwenzi iri raipfuta neKubwinya kweShekina. Akamira ipapo, akazodzwa, akange asingazivi zvaaiita zvachose. Aingoteerera zvaitaurwa neIzwi kuti aite, "Isa ruoko rwako muchipfuba chako. Rwudhonzere kunze. Tora tsvimbo iyo. Ishandure kuva nyoka. Ikandire pasi zvakare." Zvisinei kuti chero ani zvake akataura kuti chii, akange achizviita.

¹²⁶ Akati, "Ishe, ndiratidzei Kubwinya kweNy, uye ndagadzirira kuenda kuEgipita. Handisi munhu anotaura zvakatsetseka. Handigoni kutaura zvakanaka. Asi Chingonditenderai kuti ndione Kubwinya kweNy." Zvino VakaKuratidza kwaari. Zvino akadzika ndokutora zvinhu zvime chete izvozvo, uye nekuratidza kuti aiva Mesia akazodzwa. Murume iyeye akanhonga huruva kubva muvhukakaikandira mumhepo, zvino nhunzi nenhata zvakabururuka kubva muguruva imomo, zvikafukidza nyika. Chii chaigona kusika, kunze kwaMwari? Akatora mvura kubva murwizi akaidururira pamahombekombe; zvino donhwe rose remvura muEgipita yose, rakashanduka kuva ropa. Chii chaigona kudaro, kunze kwaMwari? Chaiva chii? Akange akazvipira zvizere kwazvo kuShoko raMwari rakazodzwa kusvikira akava Mesia.

¹²⁷ VaEgipita vakaedza kuZviramba nenzira iyi... Vasingatendi vakaedza kuZviramba. Vatendi vekabanga vakaedza hurongwa hwavo. Asi Shoko raMwari rakavatora rakavanangisa mberi kuNyika yeChipikirwa. Ndizvozvo chaizvo. Vaive vakazodzwa. Vaive... Akange ari Mesia.

¹²⁸ Zvino mubvunzo unouya uchibva murenje. Hepanoi pano apo paounounza... Munona, zvino, ndinoda kuti mutarise, hama dzangu. Zvino rangarirai, vanhu ava vakakanakidzwa nemaropafadzo iwawo. Vakanakidzwa nekuparidza kwemuporofita uyu, muzodziwa uyu. Vakanutenda. Vakanutevera. Asi pakasimuka murenje, mumwe ane zita rokuti—rokuti Dhatani, nemumwe ane zita rokuti Kora. Zvino

vakati, "Izvi zvinofanira kuva basa remunhu mumwe. Mosesi anofunga kuti ndiye oga akadanwa naMwari."

¹²⁹ Mharidzo iyo yemunhu mumwe chete, vakange vasingaIde. Kwete, vakange vasingaIde. Zvino Mwari havana kumbobvira vakashanda kunze ari munhu mumwe chete panguva imwe chete. Inogara iri Mharidzo yemunhu mumwe chete. Ndepapi paVakamboshanda nevanhu, kunze kwekushanda nemunhu mumwe chete? Ndezve dungamunhu. Harisi boka. Une mungava kuna Mwari, mumwe nemumwe wenyu. Unoti, "Oo, ndinoZvitenda." Unongo...Zvaunoita, unongoZvivaraaidza. Unovaraidza imwe pfungwa.

¹³⁰ Hepano pane mudzimai akamira apa. Ndiri murume wechidiki, akamirira kuroora. Anokwana mune zvose zvandinotarisira mune zvose. Mukristu akaivsonaka: anotaridzika saye, anopfeka saye, anoita saye, anorarama saye. Ndinobvuma kuti anoita mudzimaiakanaka kwandiri. Asi haasi wangu kusvika ndamutora kuva wangu.

Ndiyo nzira iri Mharidzo. Unogona kungowirirana nezvaIri zvino woti, "Yakanaka." Asi unofanira kuItora pachako kuti uve chikamu chaYo. Zvino iwe neMharidzo munozova vamwe. Zvino chizoro chinenge chinewe, sezwachiri kune vamwe.

¹³¹ Zvino, Satani, haana kuZvitenda. Dhatani...Akaita kuti Dhatani nevamwe vasaZvitende, akavaita kuti vose vaparare.

Asi unoti, "Mirai zvishoma, Hama Branham, makati, 'Vatatu: Mosesi, Joshua, naKarebhi.'" Ndizvozvo chaizvo. Ndizvo zvazvakange zviri. "Asi pano munotaura chete kuti, 'Vaviri.' Munotaura pano kuti 'Paiva pane...'"

¹³² Munoti, "Satani wemweya." Asi paiva naMwari wemweyawo, zvakare, aizodza vatastu ava. Zvino, Satani akazodza chete. Asi mumwe ari kuuya, mumwe ari kuuya, chingotarisai kwemaminitsi mashoma. Anouya panzvimbo, zita rake ndiBharami. Iye muporofita anoda mari; anongonziwo muporofita, muporofita wenhema.

¹³³ Kwagara kuine mhando dzose dzevaporofita. Uye nguva dzose neIsraeri uye mukufamba pamwe neboka, pakagara paine vaporofita; vaporofita vanotsvetera nehunyengeri, vatengesi, vaifamba vachida shoko ramambo rakanaka, uye nekupihwa zvinhu, uye, zvakanaka, saAhabhu aiva nemazana mana avo, vose vakapfekedzwa mumaitiro echinamato chavo. Uye akaudza Je-...akaudza ma—ma—mambo mukuru kumusoro ikoko, Jehoshafati, akati, "Handiti, chokwadi, ndine mazana mana, vose vakadzidziswa zvakanaka, vaporofita vechiHebheru."

¹³⁴ Zvino vose vakauya vakaporofita. Asi murume iyeye aiva naMwari akakwana maari zvokuziva kuti zvakanga zvisizvo, nekuti aiziva kuti Eria akanga atuka chinhu ichocho. Uye ko Mwari vanogona sei kuropafadza zvaVakatuka? Havaigona

kuzviita. Akati, "Mune here mumwe zvakare watinogona kubvunza?"

¹³⁵ Akati, "Hongu, une mumwe ari kunze uko; Mikaya, mwanakomana waImura. Asi," akati, "ndakamuvenga." Akati, "Anogara akatimakirira nguva dzose achindipomera nekundiudza zvinhu zvose zvakaiipa." Ko zvinogona sei... Shumba yainge yadzvova. Mwari vakange vataura. Ndiani akange asingagoni kutaura Chokwadi? Pazvaipesana neShoko raMwari, aitofanira kutuka chinhu chacho. Nguva dzose vakava naye uyu, muporofita wenhema. Asi vakave newechokwadi nguva dzosewo, zvakare. Rangarirai, pakange pasina boka revadzidzi ravo. Paiva nemumwe wavo. Uye ndizvo zvazviri mune chero zuva ripi zvaro. Ndizvo zvazviri, nhasi.

¹³⁶ Muporofita wezuva ndiro Shoko rino. Ndizvozvo. Muporofita, nhasi, havasi vose ava vakasiyana-siyana vari pan... Heunoi muporofita wechiMethodisti, muporofita wechiBaptisti, muporofita wechiPentekosti, nemhando dzose dzevaporofita varipo, vari munyika mose. Asi panosara: pane Muporofita Mumwe chete weChokwadi, mumwe chete zuro, nhasi, nekusingaperi. Ndizvozvo chaizvo. Jesu Kristu! Uye ndiYe Shoko. Ndizvozvo. Ndiye Shoko: Shoko Rakazodzwa renguva.

¹³⁷ MuCherechedzei zvino, patiri kufambira mberi. Tinoona kuti Joshua naKarebhi... Uye zvakare hepanoi panouya Bharami ari muporofita akapinzwa pabasa. Akaitei? Akafamba nepamusoro peShoko rose raMwari, mushure mokunge Mwari variratidza kwaari. Anomirira sangano, nhasi. Tichazviratidza izvozvo mumaminitsi mashoma chete; Dhatani, zvaaiava, uye nezvaiva vamwe vose. Zvino Bharami akamirira sangano. Munhu anofanira, kana kuti kwete, anofanira kuziva zviri nani. Akaziva kuti zvakange zvakaiipa. Asi akaitei mushure mazvo? Mwari vakamupa yambiro, uye zvakadaro akafamba achidarikira yambiro iyoyo. Akange openga kwazvo nokuda mari pamwe nemukurumbira kuti agova nhengo yavo. Uye ndizvo zviri kuitwa namachechi nhasi, kufamba vachinyatsopinda muMubatanidza wemaChechi ePasi rose. Zvino yambiro yose iri kutinhira nesimba nemunyika yose, uye nezviratidzo nezvishamiso mumazuva ano ekupedzisira. Vanopinda mazviri chaimo zvakadaro, nekuti vanoda rumbidzo yevanhu kupfuura kuda kwavanoita Shoko raMwari.

¹³⁸ Ndine shamwari yakanaka kunze uko, iri kuparidza mharidzo iyoyo; muPentekosti, kunze uko achitaurira vanhu, achiedza kubatanidza chechi pamwe chete. Achitaura kuti "tinofanira kuuya mune uku, uku kufamba kwezinamato." Handiti, vamwe vari mune mamwe... vechurch of Christ. Mamwe emasangano mazhinji aya asingatombotendi mukuberekwa nemhandara, uye nezvinhu zvose izvi zvakasiyana-siyana, uye vose ndeve ikoko. Ko vaviri

vangafamba vose sei kunze kwekunge vawirirana? Zvino, mati "Ameni" kwazviri, handizive ko izvi manje: Zvino ko munhu anogotaura sei kuti Mukristu uye akazadzwa neMweya Mutsvene, oramba kuti Shoko iroro rimwe chete zuro, nhasi, nekusingaperi? Mweya Mutsvene uri mauri unobvumirana neShoko iroro, Shoko rose, "Ameni. Ameni. Ameni." Kana Shoko rataura chero chinhu hacho, unoti, "Ndicho Chokwadi." Ameni! Iro...nekuti wakabvumirana neShoko. Wakabvumirana naMwari. Iwe naMwari muri vamwe. Mwari vari mauri. Uri mwanakomana waVo kana mwanasikana waVo, zvinokuita mesia kwaVari, Shoko rakazodzwa richirarama mauri.

¹³⁹ Cherechedzai, Bharami akafamba achidarikira nepamusoro pezvinhu izvi. Akange ari sangano rakakwana uye mhinduro yakakwana yezzavakanga vachida. Ndizvo zvaidiwa naDhatani. Ndizvo zvaidiwa naKora. Vaida kuita sangano kubva mazviri. Akati, "Tine varume vatsvene vazere kunze kwose kuno."

¹⁴⁰ Handina basa kuti vanhu vaviri vanofamba zvakanaka vose zvakadini, pane musiyano pavari. Mhino dzedu hadzina kufanana. Zvidhindo zveminwe mikuru yedu hazvina kufanana. Pane zvinhu zvihinji pamusoro pedu... Asi zvakadaro tinogona kupa ropa mumwe kune mumwe wedu, kunyangwe mapatya, uye ivo zvakadaro vakasiyana. Zvino, munoona, Mwari vanongotora munhu mumwe chete mukufamba ikoko, zvino vamwe vanotenda pazviri.

¹⁴¹ Vakagadzira munhu mumwe chete, uye nevanhu vakawanda vachibva pamunhu iyeye. Sezvo vose vachifa muna Adhama, vose vanorarama muna Kristu. Vakagadzira nzira imwe chete yerufu, zvino vose vakafamba vachipinda mairi. Uye Vakagadzira nzira yeHupenyu, zvino vazhinji vose pavanofambira ipapo vanowana Hupenyu. Zvichibva paMunhu mumwe chete, kufa hakuna kuuya kuchibva kuvanhu dhazeni. Vanhu dhazeni havaifanirwa kuita chivi. Munhu mumwe chete akatadza chivi chimwe chete. Munhu mumwe akabhadhara muripo uzere wemhosva. Hazvichadi kuti ukambaire nemabvi ako, uchiita *vanaKaziwa Maria*, nedzimwe mhando dzose idzi dzezvinhu, nekupa ruremekedzo kune vanhu vakafa. Jesu akafa kuitira kuti Chipo chaMwari chigone kuva chemahara. Akabhadhara chikwereti zvizere. Asi munoona, tinoda kuva nechimwe chinhu chekutura maZviri.

¹⁴² Tarisai izvi zvino. Machinda aya akaenda ikoko zvino akati, "Saka, unoedza kuzviita iwe pachako munhu wega mukati meboka. Unofunga kuti ndiwe woga."

¹⁴³ Zvino Mosesi akange aneta navo. Akadzokera, akati, "Baba..."

¹⁴⁴ Vakati, "Zvipatsanure kubva kwavari. Ini—Ini—Ini..."

¹⁴⁵ “Vose—vose vari kurutivi rwaMwari, huyai neche apa.” Zvino Vakavhura nyika ndokuvamedza. Ndizvozvo here? Chingozvifungai izvozvo, hama. Oo, ini zvangu! Sei vasina kumutenda? Sei vasina kutenda kuti—kuti—kuti—kuti Mosesi uyu aiva mutungamiriri uya, waMwari? Ko sei vaida kukakavadzana naye? Kugara vachigunun’una nekunyunya, apo vakaona ruoko rwaMwari vakafamba vari pasi... Zvino Mosesi... Mwari vakange varatidza kuti—kuti Mosesi akange ari Mesia waVo akazodzwa. Muri kuona? Uyezve ipapo... Munoona, zasi mumoyo mavo, vaida chimwe chinhu chakasiyana.

¹⁴⁶ Chii chakaitika kwamuri maPentekosti? Makore mashoma akapfuura makabuda munyonganyonga iyoyo inonzi sangano, kuti imi muzviite Pentekosti. Ko sei makada kudzokera kwariri zvakare? Chikwande chaifanira kuuya. (Tsanga yakange isati yava pano, ipapo.) Maona? Cherechedzai, ndiyo nzira chete yavakaziita. Zvakange zviri mumoyo mavo. Vaifanira kuzviita.

¹⁴⁷ Zvino, munoono, Dhatani aiva nepfungwa yekuti vose vaigona kuita chinamato chikuru kubva mairi. Munoziva, kunyangwe muapostora Petro aiva nepfungwa imwe chete paGomo Rekushandurwa. Akati, “Ngativakei matumba matatu pano; rimwe raMosesi, uye rimwe remurairo, uye nerimwe revaporofita, rimwe...”

¹⁴⁸ Zvino achiri kutaura, pakava neNzwi rakadzika pasi, rikati, “Uyu ndiye Mwanakomana waNgu anodikanwa. Munzwei.” Ndipo pavakatarisa kumashure, vakaona Jesu chete. Hoyo Akamira. Akanga ari Shoko. Ndizvo zvoga zvaunofanira kunzwa, iro Shoko iroro. Ndiye Wacho muzera rese-rese. Tarisai zvinotaurwa neShoko kuzera iroro, uye tarisai Mwari vachiRizodza, nekuenda naRo. Ndizvo zvoga.

¹⁴⁹ Vakatevera Shongwe yeMoto kuNyika yeChipikirwa. Avo vakaenda nzira yose vakasvika, vamwe vakaparara. Cherechedzai, vaida kuti Shoko risanganiswe nenyika... zvikavakonzerza kuti vakanganise. Zvino cherechedzai zvazvakaita kwavari. Shoko... VakaRipotsa nekuti havana kuda kugamuchira Shoko rakazodzwa. Maona, unotofanira kuti uve nechenhema... Kutanga unofanira kuva nechechokwadi, kuti ugadzire chenhema kubva pachiri. Uye ipapo vaiva nazvo, uye Mwari vakaratidza kuti Vakange vasiri mazviri.

¹⁵⁰ Fungai kuti Shoko rakange raziviswa zvakakwana zvakadini kwavari, kubudikidza nekusimbisa kwavari. Zvose zvakaporofitwa naMosesi zvaiitika. Kuti aiva adana kuti aende navo kuNyika iyi yeChipikirwa. Zvose zvakaporofitwa naMosesi zvakaitika, ipapo chaipo. Hapano Shoko raZvo rakakundikana. Waive mukana wakadini wekuti izvozvo zvaizovei, wekuziva kuti waifamba murenje... Uye ipapo, mushure... Paakavaudza nezveMharidzo, vaifanira kutanga

vaItenda. Asi mushure mekunge avaburitsa kubva imomo, zvino Mwari vakati, “Ndichavaratidza kuti Ndini Shongwe iya yeMoto yawakasangana nayo murenje.”

¹⁵¹ Saka Vakati, “Vaunganidze vose pamwe chete vakakomberedza gomo.” Zvino Vakadzika pamusoro peGomo reSinai. Zvino Mwari vakananga kutinhira.

¹⁵² Uye vanhu vakati, “Musatendera kuti Mwari vataure. Regai Mosesi ataure. Musatendera . . .”

¹⁵³ Mwari vakati, “Handichatauri navo zvakare nenzira iyi, asi Ndichavamutsira muporofita achataura muZita raNgu.” Maona? Saka tinoona kuti ndizvo zvakagara zvakaitwa naMwari. Sei vasina kugona kuzviona izvozvo kumavambo? Vachiona zvinhu zvose izvi, uye zvakare vonyunyuta pamusoro peMharidzo yakange iri kuvaendesa kuNyika yeChipikirwa; yakananga kuvabuditsa zvakanaka, uye ichivaendesa kuNyika yeChipikirwa. Asi ivo zvakadaro . . . vakatonyunyuta pamusoro paYo. Fungai, kuti zvakakwana sei . . . kuti vaigona kunge vakafamba mazuva ose, vachifamba naShe. Hupenyu hwakadini hwekurarama, vari murenje chaimo! Panguva yemanheru . . . Vodya mana mangwanani, yakadonha husiku.

¹⁵⁴ Munoziva, yakazova yakanyanyisa kujairika kwavari kusvika vakati, “Mweya wedu unosema Chingwa ichi.” Maona? Uye ndozvazvanga zviri nesu. Ndinongofunga pamusoro pemapoka madiki ayo isu . . . imo mushumiro yangu diki, munyika yose. Ndisingaoni bedzi kupodzwa nezvinhu; zvakangogara zvakadaro. Kupodzwa; Mwari vakagara vaine imwe nzira yekupodza pane imwe nzvimbo. Kunyangwe Vakava ne—ne—neNgirozi padziva pane imwe nguva. Uye Ivo . . . mhando dzose dzezvinhu. Nyo—nyoka yendarira iri murenje. Makagara muine micherechedzo yekupodzwa. (Handizvo zvandiri kutaura pamusoro pazvo.) Kupodzwa ndicho chinhu chimwe chete chinokwezva meso evanhu. Chero munhu anopa mupiro kushumiro yekupodza varwere. Vanovanopa mupiro kumutambo wenziyo. Asi kana zviri zvemweya mudiki unonzwisa tsitsi wakarasika, havana nechekuita pamusoro pazvo. Munoona, zvino hazviite sekunge ndizvo here? Maona? Tine zvose . . . kumweya unonzwisa tsitsi wakarasika. Havadi kuwana chinhu chekuita pamusoro pazvo. Vanomusiya achitsvanzvadzira achipinda mune chinhu chese-chese. Vanoti, “Saka, zvakanaka, ndewekuchechi. Hazvina kana chinhu chazvinokanganisa.”

¹⁵⁵ Asi zvino, tinoona pano . . . (Tichisvika pakuvhara nekukurumidza kwatingagona nako pano.) Fungai kuti zvakange zvakakwana sei. Ndinotarisa zasi nemumazu—zuva ayo atange tiri pano panyika ino. Tarisai zvakaitwa naIshe Mwari. Zvakatanga zviri muzviratidzo zvikuru, nezvishamiso,

nemashura, zvatakanakidzwa nazvo tose. Zvino tarisai... Zvino kwakauya Mharidzo shure kwazvo.

¹⁵⁶ Tarisai zvakazoitika. Uchifamba, kwete ungori woga, varume vachifamba pamwe chete newe. Moona boka reNgirozi richibva kuMatenga, ndokuzunguza nyika yose, ndokungomira ipapo. Zvino mapepanhau akazvinyora; apo zvakafanotaurwa mwedzi nemwedzi kumashure zvisati zvaitika. Hepanoi Vakamira apo, ndokuti, "Nguva yakwana, dzokera. Zarura Zvisimbiso Žvinomwe zvezvakavanzika zvakange zvakavanzwa munguva dzekuvandudzwa nezvinhu, uzvibuditse." Zvino kwakazouya kuchiparidzw *Mbeu yeNyoka*, nezvinhu zvose izvi zvakadaro. Uye vashumiri vanoitei? Pachinzvimbo chekuti... "Nhai, Luther akatura *izvi* kana *zvakadai*." Vanongo... Havambofe vakazviona. Maona? Asi mukana wakadini kwatiri isu vanotenda; kufamba muHupo hwaMwari, mazuva ose.

¹⁵⁷ Kumira ipapo uye woona chamupupuri chichibva mudenga. Chikavhuvhuta gomo rikapatsanurwa nepakati, ndokumira ipapo pataiva; chikadimbura misoro yemiti nezvinhu saizvozvo. Zvino kuputika kweShoko kwakauya kukazunguza ipapo katatu, ndokuti, "Tarisa kuchienda kuMahombekombe ekuMadokero." Kukaenda mhiri ikoko chaiko kukazunguza Alaska zvikuru. Uye kuri kudzika zasi chaiko kuMahombekombe ekuMadokero zvino. Chaizvoizvo.

¹⁵⁸ Nezuro wacho, ndakatora dombo ndikarikandira mudenga, zvino ndikati, "ZVANZI NAJEHOVHA, 'Nguva yakwana, kutongwa kuchatanga munyika. Kundengendeka kwenyika nezvinhu zvose zvichange zvichiitika. Uye Mahombekombe ekuMadokero ose achazunguzwa nezvime we zvakadaro.'" Tarisai kukwana kwazvo. Zuva nezuva, zvose chaizvoizvo sematauriro aVakazviita. Ko tingadzokera kumashure sei, hama? Ngatichengelei kutenda kwedu kwaVari.

¹⁵⁹ Vanoti, "Uyu ndianiko?" Tinoziva kuti Ndiani. NdiJesu Kristu mumwe chete zuro, nhasi, nekusingaperi, Shongwe yeMoto. Panguva yaMosesi, tarisai zvaYakaita; yakafananidzira Shongwe yeMoto nhasi. Yakagara... Ko sei vasina kutenda Jesu kuva Shoko? Vakange vaine dudziro nekunzwisia zvisizvo. Sezvakangoitwawo naEvha, ndizvo zvavanoita zvino.

¹⁶⁰ Zvino Bharamu nedzidziso yake zvaive zvakangovanakira. Uye zvaingoenderana nezvavaida chaizvoizvo. Pamutambo, tarisai... PaMutambo wevaMoabhi, maona... Oo, zvaakataura. Tarisai, uri, zvokuti mufananidzo wakadini nhasi, kuti unofananidzirazve sei. (Ndiri kukugarisai kwenguva yakarebesa.) Asi tarisai, cherechedzai, kwekanguva kadiki chete, Mutambo wevaMoabhi. Maona, kana asina kugona kuvawana kunze ikoko neimwe nzira, Bharami akazviita, zvino akavasanganisa pamwe chete. Kana asina kugona

kuvatuka pachake... Achiramba achiwedzera kutuka, Mwari vaitowedzerawo maropafadzo. Ndokungoramba...

¹⁶¹ Maona, ndizvo zvaakaita kumaPentekosti. Vakati makore mashoma akapfuura, apo imi mose makatanga, "Hakuna kure kwamunosvika. Hapana zvamakange muri. Ma—maizodzima. Munongova boka rekupengereka." Asi nguva yose yavakaedza kukutukai, maingodzoka zvakare. Mwari vakaramba vachizarura Mharidzo yaVo. Zvichidzika kubva kuAssembly yakare, kumashure-shure kumavambo chaiko, General Council. Zvino Vakaunza apo pavakagamuchira Zita rajeju Kristu parubhabhatidzo rwemumvura. Zvino mumwe akasvetukira nenzira iyi, uye mumwe neimwewo, uye mumwe akaendawo akadai...; ndokuronga sangano *iri neiro*. Mwari vakaramba vachiropafadza.

¹⁶² Zvino, saka, akaona kuti haana kugona kukutukai. Maona? Saka achaita sei? Achakuitai sangano. Kukuunzai... "Oo, tiri vamwe zvakadaro." Maona? "Tose tinotenda muna Mwari mumwe chete." Saka ndizvo zvakangoita Bharami. Uye Judha haana here kutiyambira pamusoro paizvozvo? Vakadarika mumaitiro... mudzidziso yaBharami vakaparara mukukakavara kwaKora. Ko Judha, munin'ina waJesu ari wekwaamai vake, haana here kutiyambira pamusoro pazvo muBhaibheri? Vakaita saKaini, kubva kumavambo, mushandi. Uyo akaenda kuchechi uye akavaka machechi ne—nekuvaka artari uye akapirisa. Vakadarika mukuita kwaKaini. Vanomhanya nemunzira yaBharami, ndokupararira mukukakavara kwaKora. Judha anonymatsozviratidza zvose pachena sezvatiri kungoitawo mangwanani ano, pano pamberi penyu, sezvatanga tichizviita. Zvinhu zvose zviri apo.

¹⁶³ Vakaparara mukukakavara kwaKora. Chingozifungai izvozvo, kuti zvaive zvakaipa sei. Kungofunga pane izvo Kora... Munoono, akati, "Zvino, tichaenda tose kumutambo. Tose tiri vamwe." VaMoabhi vaitenda muna Mwari. Ndivo vakange vari vana vevanasikana vaRoti. Maona? "Tose tinotenda muna Mwari mumwe chete." Pane zvepamavambo, vakange vari pachokwadi chakakwana. Tarisai Bharami kumusoro uko, ari pane zvepamavambo sechero muBaptisti kana muPresbyteriani akanaka nhasi. Akauya kunze ikoko zvino heyo Israeri iri apo, isiri sangano... Vaive nyika. Israeri yakange isiri nyika, vakange vari boka revanhu, panguva iyoyo. Vakange vasingadi kuenda nenzira yaMwari, mushure mechinguva. Vaida kuita semamwe marudzi ose. Ndipo pavakakundika. Asi chero bedzi vachida kugara naMwari, zvakanaka.

¹⁶⁴ Bharami akabuda kunze, akatarisa zasi, akati, "Saka, ini zvangu! Ndinoziva mumwe wevashumiri akaroora mudzimai wemumwe murumwe." Zvimwe zvinhu zvose izvi, oo chokwadi, vakange vaine zvizhinji. Akakanganwa kunzwa kudanidzira kwa—kwaMambo mumusasa. Haana

kumboona Dombo riya rakarohwa, uye nenyoka yendarira iya yakarembera ipapo seyananiso. Haana kucherechedza kuti vakange vasina kubatanidzwa kune sangano ripi zvaro. Vakange vakabatanidzwa kuSungano yaMwari, uye vaifamba mairi. Maona? Zvino Bharami akati, pazvinhu zvepamavambo, "Ndivakirei maartari manomwe." Ndizvo zvaaidikanwa naJehovah. Ndizvo zvakawanikwa naJehovah kumativi ose maviri. "Zvakanaka, isai mhuru nomwe pamusoro payo." Ndizvo zvavainge vachiita zasi ikoko mumusasa iwoyo. "Ndiisirei makondohwe manomwe pamusoro payo nekuti kuri kuuya Mesia nerimwe zuva." Zvakanaka.

¹⁶⁵ Maona, pazvinhu zvepamavambo, vose vakange vari pachokwadi; pazvinhu zvepamavambo. Maona? Asi rimwe zuva paakaona kuti haana kugona kumubatira ipapo, akati, "Kana tikangoita sangano tose pamwe chete ipapo." Zvino ndipo pavakaitira mhosho yavo.

¹⁶⁶ Uye ndipo chaipoipo pakaitira Pentekosti mhosho yavo; payakaita sangano kuve semamwe machechi ose. Handisi muvengi wako. Ndiri hama yako. Mamwe emazuva aya uchazoona kuti ndicho chokwadi. Zvingatora chinguva hazvo, kutenderera kwezuva kushoma, asi rimwe zuva uchaona kuti ndizvozvo chaizvo.

¹⁶⁷ Zvino dzidziso yaBharami yakavarova zvakango... Ndizvo zvavaida. "Tose tiri vamwe." Maona? Saka, havo ndokuenda. Vaporofita vavo vose pamwe nevose vakaenda pamwe navo. Uye vaive pamutambo, vamwe ivavo vakati, "Zvino tose tinotenda kuti kuna Mwari mumwe chete. Ngatizvitendei." Ndizvo zvavaitongotsvaga, chaizvoizvo.

¹⁶⁸ Zvino kana Methodisti neBaptisti vasingagoni kuuya pamwe chete nekuda kwesangano ravo, asi kana pakauya sangano guru, ratingogona kuungana tose pamwe chete, zvakanaka. "Oo," munoti, "maPentekosti havambofa vakazvigamuchira." Havakwanisi? Vakaitei mumwe musi kuMissouri? Makaverenga mapepa enyu, zvirokwazvo. Maona? Hamuzozviiti? Kwete, kwete imi maPentekosti, imi vanhu; asi haasi imi, iherumende iyoyo kumusoro uko iri kukuitisai. Ndiyo musoro uri kukutenderedzai. Ndizvozvo. Musabatirane nazvo. Imi garirai kure nechinhui ichocho, ndiwo munembo wechikara. Zvisunungurei kubva pachinhui ichocho nekukurumidza kwamungagona nako. Maona? Ichochu chinamato... Ndeuyo musoro wehurumende unofambisa.

¹⁶⁹ Tingadai tisina kuenda mhiri tikava nehondo neGermany kana chero mumwe wevamwe vose ava, dai vakange vasiri vamwe ava vakuru vezvematongerwo enyika vakagara kuno vachigadzira pfuti itsva nekutanga... Handidi mari inobva mune... mari yeropa kubva mumwana wangu chaiye, anofanira kuti abude uko achinoifira. Maona? Asi ndizvo zvazviri,

zvematongerwo enyika ndizvo zvinozviita. Uye pasi rose riri pasi pesimba radhiyabhare. Ndizvozvo chaizvo zvakataurwa naJesu. Uye hazvisi kuzonaka kusvikira muMireniyamu, apo Jesu anouya achitora hutongi. Asi zvino tiri kuwana matambudziko aya. (Ndochikurumidza kuitira kuti tizopedza zvino.)

¹⁷⁰ Ndizvo zvacho zvavaingotsvaga... chinhu chacho. Ndizvo zvavaingoda. Kukunda kwaSatani paMutambo wevaMoabhi. Ane mumwe uri kuuya, zvakare. Ari kuvatora vose nenzira imwe chete. Mirai... Vose kamwe chete! Chimbofungai pane zvakakaita. Zvakafanana nezvazvaiva. Hazvina kumbofa zvakatora makore makuru kwazvo, mafetu, matatu kana mana kuzviburitsa. Ivo... muporofita wenhema, murume akafamba nepamusoro peShoko raMwari... yambiro yose yakatumirwa naMwari munyika mose, nekuvaudza kuti, "Budai mazviri! Budai mazviri! Budai mazviri!" Havazviiti. Vachagara ipapo chaipo.

¹⁷¹ Vanoshaya hanyn'a neShoko raMwari, voshaya hanyn'a neMashoko, voshaya hanyn'a nezviratidzo, voshaya hanyn'a nezvinhu zvatiri mazviri. Endererai mberi, "Tiri kuzova nazvo zvisinei. Tiri kuramba tichienderera mberi nepamusoro. Tinofanira kuzviwana. Ndizvo zvoga. Tose tiri vamwe." Munoona here hupenzi hwadhiyabhare? Ndicho chinhu chimwe chete chavakaita paMutambo wepaNicaea, paNicaea, Roma. Vakaita sangano kubva mazviri, uye ndizvo zvakaitika. Satani akava neMutambo wepaNicaea. Oo, ini zvangu! Uye kubvira ipapo... Teererai, ndichataura shoko guru kwazvo pano zvino. Zvino imi vari patepi vanoda kupikisa pamusoro pazvo, zvipikisei imi pachenyu, nenhoroondo, uye neBhaibheri, munoonaa, asi kwete kwandiri.

¹⁷² Teererai! Nguva dzose Mwari dzavanotumira nhume nekuita kuti Mharidzo itange... Uye kana chechi iyoyo, kana boka iroro revanhu rikasvika pamutambo wemasangano... Ndipo pavanzviitira. Ndipo pamakazviitira imi veAssemblies. Ndipo pamakazviitira imi veOneness. Ndipo pamakazviitira imi vamwe mose, pamutambo wesangano renyu, muchizvikandidzira zvakare muchinhu chimwe chete ichocco chakatukwa naMwari kubva kumavambo. Ndicho Chokwadi chaicho. Chero nguva apo chechi yakambova nerumutsiriro... Munguva yaLuther, ndokubva... Chii chakaitika? MaMethodisti... kwese zvichidzika nemumazera... Zwingli, Finley, Finney, nevamwe vavo vose, pavakava nerumutsiriro, vakaita sei narwo? Vakarwukandira mumutambo wemasangano, vakakambaira vachipinda pamwe chete nevamwe vose, vakaisa zita pamuri sezvakaita vamwe vose. Zvino ndokuva neboka revanhu vanokutungamirirai. Mweya Mutsvene haugoni kuramba uchifambira mberi. Ndizvozvo chaizvo. Munotanga kuparidza chimwe chinhu chinodzidziswa neBhaibheri, mochifarira, asi

sangano harichitendi ichocco; vanokudzingirai kunze chaiko. Zviedzei kamwe chete muone kuti ndizvo here kana kuti kwete. Muchaona kuti iChokwadi. Munona, pamutambo wemasangano nguva dzose dzavanodanwa kwauri, mutambo iwoyo waBharami, dambudziko rino bva rapinda. Oo, Luther, Wesley, Pentekosti, nevamwe vacho vose vakawira mazviri.

¹⁷³ Cherechedzai, zvaiva zviri, hareruya, apo Mosesi paakamira uye akati, "Ndiani ari kurutivi rwangu naMwari?" Amen! Ndipo apo muRevhi akabuditsa munondo wake akaenda nemumusasa akanyatsouraya zvinhu zvose zvakange zvakabatana nazvo. Amen! Zvose hazvo; murume wese akange aine mudzimai wechiMoabhi, vakavauraya vari pamwe chete. Zvino nguva yakwana. Ari kupiko munhu iyeye? Varipiko vanakomana vaAroni, vamwe vehuprisita vanoda kuburitsa munondo weShoko raMwari, Munondo uyu wakapinza uno cheka nemativi maviri? Akati, "Ndiani anomira neni naMwari?" Ari kupi? Unogona kukoka, unokoka asi hapana anopindura. Munona zvandinoreva? Hativibati. Tinongo...Panе chimwe chinhу chakatsveyama. Cherechedzai, havo vari apo...Ndipo apo Mosesi paakasimuka akataura zvinhu izvi.

¹⁷⁴ Cherechedzai, chivi chavo, chavakaita ipapo, pavakazviita sangano pamwe chete neMoabhi uye ndokuzviita mutumbi mumwe...Chivi ichocco havana kumbobvira vakachiregererwa. Ndichamboti fambei zvishoma pazviri kwechinguvana. (nguva yaenda, asi kweminiti chete.) Chivi chavo havana kumbobvira vakachiregererwa. Hakuna kana mumwe chete wavo akambobvira akasvika kuNyika yeChipikirwa. Jesu akati muna, ndiregerereiwo, Mutsvene Johane 6, Jesu akati muna Mutsvene Johane 6, pavakati, "Madzibaba edu vakadya mana murenje"...Vaiva maPentekosti. Hama, vakadya mana, vakange vainе chinhу chemazvirokzwazvo.

¹⁷⁵ Jesu akati, "Uye ivo, mumwe nemumwe wavo, akafa. Vakaparara. Vakaparara Nekusingaperi-peri." Chivi chavo havana kumbobvira vakachiregererwa. Vakaitei? Vakatyora sungano yavo naMwari, vakaita sangano pamwe chete naBharami, muporofita akange apihwa basa uyo aisambotora yambiro yaMwari; aisambotora Shoko raMwari; aisambotora chero chinhу chine chekuita naMwari. Asi akange akatsunga kuvaita vose chinhу chimwe. Muri kuona hupenzi here? Ndaigona kugara ipapo kwenguva refu, asi ndi—ndinofunga kuti mazvibata. Maona? Cherechedzai, chivi chavo havana kumbobvira vakachiregererwa, hakuna kana mumwe chete wavo akagara pasi pemaropafadzo iwayo uye nekudya mana iyoyo nezvihu zvose.

¹⁷⁶ Apo Mharidzo chaiyo, yechokwadi payakasvika pamangange, vakaiita sangano. "Tichatora vaMoabhi nesu pamwe chete. Ivo isangano rakakura, nyika huru. Hatisi

kana...Hatisi kana nyika. Tichangoroorana pakati pedu uye—uye tichave tiri zvakanaka zvino. Tichava pamwe navo.” Uye hachina kumbobvira chakaregererwa; kana, kumbobvira vakachiregererwa.

¹⁷⁷ Jesu akati, “Ivo, mumwe nemumwe wavo, *akafa*.” Dudzira shoko iroro muchiHebheru kana muchiGiriki, chero mumwe macho, kana kunyangwe muChirungu, zvinoreva kuti “kupatsanurwa Nokusingaperi”; kuenda zvachose. Ndizvozvo chaizvo.

¹⁷⁸ Oo, hongu, vakaona minana. Vakaona Shoko rakazodzwa. Vakadya mana yakabva Kudenga. Vakanakidzwa nemaropafadzo eyananiso. Vakaona Dombo rakarohwa richiburitsa mvura yaRo. Vakanwa kubva paRiri. Vakange vachiRiziva nepedyo. Asi pazvakazosvika pakutyora Shoko iroro... Musambofa makazvikanganwa izvozvo! Jesu paakati, “Ini naBaba vaNgu tiri mumwe,” haana kuti pane vatatu. Huh? Apo dzimwe nheyo idzi dzose huru dzeGwaro...

¹⁷⁹ Mumwe murume akauya kwandiri humwe husiku kuti andiratidze pandakatsveyama, kana kuti kuzotaura pamusoro petiriniti. Ndine zviuru zveshamwari dzakanaka dzetiriniti. Vari muBhabhironi iroro. Ndine shamwari zhinji dzeOneness muBhabhironi iroro, zvakare. Maona? Asi chii chakaitika? Akati, “Mataurirwo azvo, Hama Branham. Munotenda here mutiriniti?”

¹⁸⁰ Ndakati, “Zvirokwazvo.” Ndakati, “ndichatora shoko renyu rekuти: mataurirwo azvo.” Ndikati, “Ko munozvitenda sei?”

Akati, “Ndinotenda muna Mwari mumwe chete.”

Ndinoti, “Munoita zvakanaka.” Maona?

Akati, “Ndinotenda kuti kuna Mwari mumwe chete, nevanhu vatatu muHumwari.”

Ndikati, “Hamusi here mu—mudzidzi wekuBIOLA?”

Akati, “Hongu.”

¹⁸¹ Ndikati, “Zvinoita saizvozvo.” Ndikati, “Hazvitauri zvakanaka pamusoro pedzidzo yenyu.” Ndikati, “Vanhu vatatu, naMwari mumwe chete?” Ndikati, “Maererano naWebster, ipapo, panotofanira kuva nehunhu pasati pave munhu. Munotenda vanamwari vatatu, changamire.” Haugoni kuva munhu pasina kuva nehunhu, nekuti zvinotora hunhu kuita munhu.

¹⁸² Saka vanoti...Akati, “Zvakanaka, VaBranham, munoziva, kunyangwe va—vadzidzi vebhaibheri havagoni kuzvitsanangura.”

¹⁸³ Ndakati, “Ndizvozvo chaizvo. Shoko hariuyi kumudzidzi webhaibheri.” Uh-huh. Ndakati, “Bhaibheri rakasunganidzwa muChizaruro, ‘Pamusoro pedombo iri Ndichavaka Chechi

yaNgu, uye masuwo egehena haakwanise kuIkunda.” Maona? Ameni, hezvoka izvo. Maona? Asi zvadaro pazvinouya kuzvinhu izvozvo...Oo, ini zvangu!

¹⁸⁴ Zvino tinoda kukurumidza uye tivhare nekukurumidza chaiko kana tikakwanisa. Ndinofanira kudarika mamwe Magwaro aya nezvinyorwa izvi, munoono. Zvino, cherechedzai, havana kuregererwa pane zvavakaita. Chii chavakaita? Vakanakidzwana nemaropafadzo. Musazvikanganwa izvozvo. Ndichazvidzokorodza zvakare. Havana kumbofa vakaregererwa nokuda kwaizvozvo. Rangarirai, tepi ino inotenderera pasi rose. Maona? Inoridzwa mumisasa muAfrica, India, kwese kupoterera pasi rose; yakaturikirwa mumitauro yakasiyana-siyana; nemumisasa yakasiyana-siyana, nzvimbo dzakasiyana-siyana. Chivi hachina kumboregererwa. Chii? Ivo...

¹⁸⁵ Unoti, “Saka, Mwari aropafadzwe, nda—ndaita izvi. Nda—nda—ndakaita izvi. Ndakadya mana yeKudenga. Ini...”

¹⁸⁶ Hongu, vakazviitawo, zvakare. Uye Jesu akati, “Ivo, vese, vakafa.” Asi pazvakauya kuMharidzo chaiyo, uko, kwavaisafanira kutyora Sungano iyoyo, neimwe nyika. Mwari vaiva mupatsanuri uye Vakapatsanura vanhu ivavo, uye vaisafanira kuva nechekuita nechero vamwe zvavo, kuroorana nemumwewo zvake. Zvino Chechi chaiyo, yechokwadi neMwenga waKristu, yakabatanidzwa naKristu anova Shoko. Zvino hauroori mune chero boka rakarongwa, chero sangano. Unogara chaizvo naKristu neShoko iroro, sedungamunhu. Kuzviita kupatsanurwa Nokusingaperi-peri kubva pana Mwari. Ndinotarira kuti munhu wese azvibata izvozvo.

¹⁸⁷ Zvino, muchidzidzo chedu, yakange yasvika nguva yeMutambo wePaseka; waizoitika. Yakange iri nguva yakaipa kwazvo. Vanhu vairara kunze kwemasuwo. Paseka yoga-yoga yaidaro. Vaive panze vakarara pasi. Dzimba dzevaenzi dzakange dzakazara nezvose. Yakanga iri paseka. Kwakange kuine tarisiro huru imomo. Mamiriro ekunze aive akazadzwa. (Zvino, mune angaita maminitsi mashanu ndichabuda, Ishe vachitendera, kana gumi.) Munhu wese aiva akabatikana kwazvo.

¹⁸⁸ Tarisai, pane mapoka matatu evanhu ipapo. Munoono, pakange paine tarisiro huru. Vakaziva kuti munhu uyu asinganzwisisike akanga ari kuuya kumutambo uyu. Vamwe vavo *vaiMuda*; *vaiMutenda*. Vamwe vavo *vaiMuvenga*; vakawanda vavo *vaiMuvenga*. Uye nekuti mumwe *aiMuda* uye mumwe *achiMuvenga*, munhu aive wepakati-nepakati *aive asingazivi* zvokuita. Maona? Vakange vasingazivi. Cherechedzai, mamiriro ekunze akanga akazara netarisiro. Mumwe achiti, “PaAnoenda kumusoro uko, ndinokutaurirai tinoMudana...TichaMuyedza neShoko. TichaMumisa ipapo pamuprisita mukuru. Tichaona kuti huchenjeri hwaKe

hwakadini hunopesana naKayafasi.” Akanga akatozviratidza nechekare. Maona?

¹⁸⁹ “Asi tichaita izvi: Tichaona... Ndinoziva kuti vamwe vevatungamiri vakuru vachaMubata. Vakomana, vachanyatsogadzirisa muchinda wakare iyeye. VachaMuita kuti azive zvaAiva, pavanoenda kunotamba-tamba nevaprisita vedu. Vakomana, vanoziva zvavari kuita. Varume vakachenjera. Vanoziva zvavari kuita.”

¹⁹⁰ Vamwe vakati, “Handizivi kuti vachaitei nemuchinda uyo zvakadaro.”

¹⁹¹ Vamwe vakati, “Oo, ndakaMumirira kuti auye. Mwari vanaYe. Ndiye Shoko iroro. Oo, ndinongo—ndinongoda kuMuona.” Maona? Oo, vakange vakapatsanuka. Zvino, munooona, avo vaiMuziva nekuMutenda, vangadai vakaziva pasuwo rekumirira. Maona? Vaiziva nzira yaAiuya nayo. Pane tarisiro huru, asi munoziva, vakanga vasiri vakanyanya kuwanda vakaMuona. Maona, pane vakawanda vasina kuMuona. Ndizvo zvazviri nhasi.

¹⁹² Vamwe vavo vakati, “Murume akanaka. Oo, hapana chakaipa naYe,” saNapoleon, Washington, “Murume akanaka. Asi, oo, semudzidzisi, kwete, kwete.”

¹⁹³ Vamwe vavo vakati, “Oo, Murume akanaka. Oo, Aka—Akangovhiringika, ndizvo zvoga. Muchinda akanaka. Hapana munhu anogona kutaura chimwe chinhu chakaipa pamusoro paKe.”

¹⁹⁴ Vamwe vakati, “Kwete, Iye—Iye ndidhiyabhare, Ndinogona kukuudzai izvozvo. Kuti zvavo izvozvo zvekuverenga pfungwa dzevanhu nezvimwe zvinhu zvose izvi, neizvo, ndicho chiporofita chenhema. Zvinopesana nechitendwa chedu. Musatende chinhu chakaita seichocho.”

¹⁹⁵ Uye mumwewo wacho, akati, “Kubwinya kuna Mwari, NdiMwari. NdinoVaziva, ini...” Zvino munooona. Zvino vakange vakamirira. Zvino ndiwo mamiriro atinoita nhasi, asi chinhu chimwe chete: Shoko rakazodzwa renguva ino; Zera reChechi yeRaodhikia.

¹⁹⁶ Zvino tichavhara tichitaura izvi. (Mirai zvishoma.) Mapoka matatu akange akaMumirira. Ndizvo zvazviri nhasi, ndizvozvo, matatu. Cherechedzai, vatendi vaidanidzira. Maona? Maona? Shumiro yaKe yakaMuita kuti adiwe nevamwe, avengwe nevamwe, uye rimwe boka rishamiswe naye. Maona? Shumiro yaKe... Regai ndizvitaure zvakare. Shumiro yaKe, chero zvayaiva... Tinoziva zvino, Yaiva Shoko. Asi *shumiro* yaKe yakange yaita kuti vamwe vanhu vaMude. Vakange vakatemerwa kudaro. Munoona, vakaitenda. Vakaiona. Pakange pachisina zvimwe, pakauya Natanaeri kumusoro ikoko, uye—uye Akati, “aiva...” kwaari zvaAkaita saizvozvo, akati, “Rabhi,

Muri Mwanakomana waMwari, Muri Mambo weIsraeri, hapana mubvunzo mupfungwa dzangu.”

¹⁹⁷ Simoni akange akamira ipapo, akati, “Oo, Andrea, handisi kuenda ikoko. Ndakambonzwa zvinhu zvose izvozvo zviri ikoko kumashure.”

¹⁹⁸ “Asi,” Andrea, “unofanira kuuya. Unofanira kuuya, chingouya pane imwe nguva neni.”

¹⁹⁹ Zvino paaive Akagara ipapo, Jesu akamuona achiuyako, munoziva, achiuyako. Akati, “Zita rako ndiSimoni. Uri mwanakomana waJonasi.” Pakange pasisina mubvunzo zvakare. Maona, ndizvo zvega zvaivepo pazviri. Vakange varipo. Vakazvitenda. Vakazviona. Vakaziva kuti ndizvo zvaifanira kuitwa naMesia kana Auya.

²⁰⁰ Aitofanira kuva Muporofita, nekuti Mosesi akati, “Aizova Muporofita.” Uye avo vakavhiringidzwa vakange vaine makore mazana mana vasina muporofita, zvakatora muporofita kuti azvitwasanure, nguva dzose muzera roga-roga. Uye Heunoi Akamira ipapo.

²⁰¹ Pakanga pasina mubvunzo kwavari. Vakange vakamira vaine michindwe muruoko rwavo, “Achange ari pano mushure mechinguva.” Vakamirira!

²⁰² Guta rose, rakabatikana. Vakati, “Iboka revapengereki rakaungana kunze uko pasuwo.”

²⁰³ Mumwewo wacho akati, “Handizivi kuti Achaita sei kana Auya kumusoro kuno. Unoziva, ndi—ndinotenda chaizvo kuti Iye munyengeri. Ndinotenda kuti Ane gumbo retsuro raAnopukutira panzeve yaKe, unoziva, kana chimwe chinhu chakadaro, unoziva.”

²⁰⁴ Uye sezvavanotaura nhasi uno, “Oo, ndeimwe mhando yekuverenga pfungwa dzevanhu. Chi—chimwe chinhu...” Vanogona kuzvishaisa basa nekuzvitsanangura zvisizvo.

²⁰⁵ Mumwewo ndokuti, “Ndidhiyabhore. Imi garai kuno kune rumwe rutivi rweguta. Musava nechimwe chinhu chekuita nazvo. Musabatirana pamwe navo mumusangano iwowo. Musaende zasi ikoko, munoona. Hatisi kuzova nechekuita nazvo.” Mapoka matatu evantu.

²⁰⁶ Zvino tarisai. Zvino heunoi Achiuya akatasva achipinda muguta. Chaizvoizvo zvakataurwa neShoko kuti Aizoita. Akatasva kambongoro kadiki, achipinda muguta. Avo vakange vasina kutarisa pachitendwa, vasina kutarisa kuTemberi, vasina kutarisa pane zvimwe zvinhu zvose izvi, vasina kutarisa kuvapriska, pane zvavaizotaura. Vose vakaMutenda, vakange vakamira ipapo vaine muchindwe muruoko rwavo. Vakangomirira kufamba kwekutanga. Hamuna kumbovanzwa vachiti, “Uyu ndianiko ari kuuya?” Oo, kwete! Vaiziva Aiuya. Vanoziva zvakataurwa neShoko. Maona? Zvino rimwe boka,

mavaona here mukati umo muguta? Zvino ipapo pavakanza
ruzha urwu: "Hosana kuna Mambo! Hosana kuna Mambo
anouya Muzita raJehovha. Hosana! Hosana!" Nekudanidzira
kwose!

²⁰⁷ Vaprisita vakamhanya kuti vaone kuti mhirizhonga
yechinamoto iyi yaiva yei. Zvino vanhu vakati, "Uyu
ndiyaniko?" Chii chavakanga vavinga ikoko, shamwari?
Mutambo wekunamata! Mwari wacho chaiye akange availta
kuti vagadze Mutambo uyu, akavaudza kuti Aizovako saizvozvo,
zvino vakadanidzira, "Uyu ndiyaniko?"

²⁰⁸ Nguva haisati yashanduka. Vanhu vakagadzirwa
zvakafanana nezvavakange vari kumashure. VaHebheru 13:8
yakati, "Ndiye mumwe chete zuro, nhasi nekusingaperi." Zvino
ndichavhara ndichitaura izvi: Mubvunzo hausisiri kwavari
zvino. Vakabvunza kuti, "Uyu ndiyaniko?" Asi muna 1964,
mubvunzo hewo: "Imi munoti Uyu ndiyaniko?" Ko zvose
izvi ndezveiko? Wambomira here kuti unzvere Magwaro?
Unofunga kuti Uyu ndiyaniko? Ndezve kuverenga pfungwa here?
Ndechimwe chinhu chemusango here changobuda murenje riri
uko kune imwe nzvimbo, sezzavakataura, "Johane aiva murume,
wemusango, ainyudza vanhu mumvura kunze uko." Apo, Isaya
akati achange aripo, uyo anofanoenda mberi. Maraki akati
achange aripo chaizvoizvo. Vaporofita ivavo vakati, "Muporofita
uyu achasimuka ipapo pamusoro chaipo kuti afanoenda mberi."
Zvino heunoi aripo.

²⁰⁹ Vakati, "Uyo murume wemusango. Garirai kure naye.
Maona? Musave nechinhu chamungaita naye." Zvino heunoi
Mesia achiuya, chaizvoizvo zvakataurwa neGwaro, "Kuti
Aizotasva achipinda muguta ari pamusoro pemwana
wembongoro. Ari akazvityora uye akazvideredza, ari pamusoro
pemwana wembongoro, achiuya muguta, kuti Magwaro
azadziswe." Zvino hepanoi pamire vanhu pamutambo
wekunamata zvakare, saBharamu, pamutambo wekunamata,
vachiti, "Uyu ndiyaniko?"

²¹⁰ Uye nhasi, Magwaro akavimbisa panguva ino, shamwari,
Akazadziswa chaizvo pakati pedu, awa mushure meawa.
Ko munofunga kuti Uyu ndiani? Ngatinzverei nezvaZvo
patinokotamisa misoro yedu.

²¹¹ Mwari vanodikanwa, tose tiri kufungisisa, zvakadzama,
nekuti tinofanira kuzviita izvi. Zviri mumaoko edu, Ishe.
Tinokuonai, Mambo mukuru. Tinoona vimbiso yeNy^u yeShoko.
Takanga tiri kutsvaga izvi kwemakore, kuti nguva huru iyi
iuye, apo patiri kurarama iko zvino. Tinoona Shoko reNy^u
rakazodzwa muvanhu veNy^u, vachiRirarama, chaizvoizvo
zvaMakataura kuti zvinozoitika. Tinoona boka raSatani
rakazodzwa kunze uko. Uye taRifananidzira munyika yosse,
kuenda nekudzoka nemuShoko, saka hapazovi nedombo

rimwe chete rinosara risina kuiswa pachena. Handizivi uyo waMakatemera kuhupenyu, Ishe. Harisi basa rangu kuziva izvozvo, ibasa reNy^u. Asi ibasa rangu kufambisa dombo rose. Mwari, ndibatsireiwo, batsirai vamwe varume vanozvitenda. Fambisai dombo rose, Ishe, kuti pasave kana nechinhu chaMakatemera asi kuti chichatozvinzwa.

²¹² Tinoda kuona Kuuya kweNy^u, muchizvarwa chedu chaimo, Ishe. Tinozvitenda. Tinozvitenda kuti—kuti pane chimwezve, Chishanu cheMuchindwe, Chishanu Chakanaka neChishanu cheMuchindwe, chiri kuitika. Kurovererwa kune Chechi yeNy^u, asi kuri kukunda kwedu paMunoya makatasva muchipinda.

²¹³ Tinonamata, Mwari, kuti Mugoropafadza, nhasi, vanhu veNy^u. Ropafadzai chechi diki ino. Ropafadzai mufudzi uyu anodikanwa nemwanakomana wavo pano, Hama Outlaw ne—nemwanakomana wavo; vaviri Jimmy Mukuru neMudiki. Ropafadzai munhu wese ari muno.

²¹⁴ Mwari, ngatisambofa takauya pano mangwanani ano... Dai ini... Handina kutyaira kuuya kumusoro kuno kubva kuTucson kungoti ndingo... Kana dai ndaiva nemukana wekutaura kune vamwe vanhu, Ishe, kwa—kwakange kusiri ku—kukudza chimwe chinhu asi Munhu uyu, uyo vanhu vari kushamisika kuti ndiyaniko. Vanoziva kuti munhu haagone kuzviita izvi. Vanoziva kuti zvinopfuura munhu kuziva zvinhu izvi. Asi vanhu vanoti, “Chiiko ichi?”

²¹⁵ Ishe, tinoziva kuti NdiMi. NdiJesu Kristu, ari mumunhu weMweya Mutsvene. Iye ndiMweya Mutsvene. “Ndinobva kuna Mwari. Ndinoenda kuna Mwari.” Zvino tinoona Shongwe yeMoto huru pakati pedu, Ishe, imwe chete sezvavakaita muchikamu chekutanga cheBhaibheri naMosesi. TakaIona iri pakati peBhaibheri apo Pauro aiva murwendo rwake kuenda kuDhamasiko. TinoIona. Zvino pano tinoIona panguva yekupedzisira zvakare. Katatu kusimbiswa. Yakave Mharidzo nguva yoga-yoga.

²¹⁶ Mwari, dai varume nevakadzi varegedza kuramba vachibatirira kutsika nezvitendwa. Asi ngavabude kubva muchinhu ichocco, vopa hupenyu hwavo zvakazara kuna Mwari pamwe nekutenda; kwete kungovimba nepfungwa pamwe nezvinhu zvevanhu, asi kuvimba muna Mwari Vanorarama. Apo zororo iri riri kuenda mberi, kudanidzira kunoramba kuchiti: “Uyu ndianiko? Chiiko? Ndezveiko?” Vanhu vanamati vanotaura chinhu chimwe chete ichocco. Uye ndiVo Ishe Jesu vamwe chetevu, vakaitwa nyama muvanhu vaVo, vachizodza Shoko raVo kuitira Mwenga. Zvino havagoni kuRinzvisisa. Vakabatikana kwazvo muRaodhikia, kusvikira havachaziva kuti ndeRei chaizvo. Asi muporofita akati, “Kuchava neChiedza manheru.” Saka zvino tiri kuRitarisira, Ishe. Huyai, Ishe, ropafadzai mumwe nemumwe.

²¹⁷ Nemisoro yenu yakakotamiswa zvino, nemoyo yenu. Munozvitenda here izvi kuva Chokwadi? Munodaro here? Chingosimudza ruoko rwako, uchiti, “Ndinozvitenda izvozvo kuva Chokwadi, kuti tiri kurarama mumazuva ekupedzisira. Tiri pano zvino uye ndinotenda kuti takavhiringika chaizvo...” Makange muri mumusangano rimwe zuva, apo gorosi, gunde... Munocherechedza kuti, hatina kumbowana sangano rakatevera izvi. Ndanga ndiri pano chaipo nemufudzi wenu nguva yose iyi, gore richitanga nekupera. Kazhinji, makore maviri kana matatu inobva yaitwa sangano. Haina kuitwa sangano nguva ino. Hazvigoni. Chikwande chakabva paIri, asi hakusisina kuenderera mberi. Gorosi, shumiro yadzorerwa pakarepo sezvayaiva pamavambo. NdiJesu Kristu pakati pedu, shamwari. Kwete munhu, asi Munhu Jesu Kristu ari kurarama mauri, uye anoda kuva chikamu mauri, uye iwe uchivawo chikamu chaKe. HaungaMugamuchire here nhasi?

²¹⁸ Pane here mumwe pano asati agamuchira rubhabhatidzo rweMweya Mutsvene, nazvino? Zvino, unoti, “Hama Branham, ndinokutaurirai, ndakambodanidzira pane imwe nguva.” Zvakanaka kwazvo. “Ndakambotaura nendimi imwe nguva.” Zvakanaka kwazvo, zvakare. Asi zvakadaro handizvo zvandiri kutaura pamusoro pazvo. Ko unogona sei kudanidzira nekutura nendimi woramba Shoko? Chiratidzo cheMweya Mutsvene kutenda Shoko raVo. Zvakagara zvakadaro, muzera roga-roga, kana ukagona kugamuchira Shoko. Vaprissita ivavo vaikunda Jesu nemamaera miriyoni kana zvasvika pakuva nezviberekro zveMweya: vanyoro, vane runyararo, uye vakazvityora, vakazvideredza. Akapamura-pamura machechi, akavakavira kwakadaro; uye akadzingira vanhu kunze, akavadaidza kuti “nyoka dziri muhuswa” nezvimwe zvose. Maona? Asi Akange ari Shoko iroro. Akange ari Shoko iroro. Ndizvozvo: tendai Mwari. Mwari iShoko. Ritendei.

²¹⁹ Kana usina kumbobvira wakagamuchira rubhabhatidzo rweChikristu nazvino, pane chidziva pano. Hauna kumbobvira wakagamuchira Mweya Mutsvene nazvino, unokuita kuti uhive kuti Shoko rose raMwari iChokwadi; unoti, “ameni” kwaRiri uye nekuRitenda nemoyo wako wose, zvino unogona kuUgamuchira mangwanani ano. Uye zvakare hauzoshamisiki kuti Ndiyaniko uyu anoita kuti vanhu vazvibate nenzira yavanoita. Uchaziva zvaUri. Kana usina chiitiko ichocco, ungati here, “Hama Branham, ndirangarireiwo mumunamato wenu, uye ndichasimudza ruwoko rwangu”? Zvino unoti, “Zvino ndicha—ndicha...” Mwari vakuropafadzei. Mwari vakuropafadzei, imi, imi. Mwari vakuropafadzei, zvakanaka. Mwari vakuropafadzei, zvakanaka.

²²⁰ Oo Mwari, apo mumhanzi uchirira zvinotapira...Oo, Anoshamisa! Chokwadi. “Gurukota, Muchinda weRugare, Mwari Samasimba, Baba vekusingaperi.” Ndinonamata kuti

Muchapa kuvanhu ava, Ishe. Ndinokwanisa kungonamata chete. Ndizvo zvoga zvandinoziva kuita, kuvakumbirira. Vasimudza maoko avo. Ndiri kuita sezvandakavavimbisa, ndiri kunamata kuti Mugovapa chiitiko ichi chikuru; kwete kungova imwe mhando yemanyawi, asi chiitiko chaicho; kusangana naMwari sezvakaita Mosesi panzvimbbo paya muKubwinya kweShekina; uye kwete ipapo bedzi, asi vasambofa vakabva paShoko iroro, kufambira mberi kupinda chaimo muNyika yeChipikirwa naRo. Mwari, zviitei kune mumwe nemumwe, mangwanani ano.

²²¹ Pane hurwere pakati pedu nhasi, Mwari. Tinonamata kuti Muchahupodza ihwohwo. Podzai munhu wese anorwara, nechishuwo chose. Zviitei, Ishe. Vave veNyuu zvino. Ndinovapa kwaMuri muZita raJesu. Ameni.

²²² Ndine urombo, ndanga ndiri kumusoro kuno kwemaawa maviri chaiwo. Asi tarisai, mune manheru ose. Munogona kuenda kumba uye mumbodzokedzana uye nekumborara zvishoma. Asi musakanganwe zvandakuudzai. Ndakuudzai zvichibva pamoyo pangu. Ndinoziva kuti zvinoita sezvisinganzwisisike. Makore mashoma apfuura ndakauya muPhoenix muno nemi vanhu, ndichipodza vanorwara kuburikidza nemunamato wekutenda. Handina kumbobvira ndakazvitsanangura, ndakanga ndisingadi kuzvitsanangura. Ndinongotarisa nekuona zvichaitwa nevanhu, kungoona kutevedzera nezvinhu zvichisimuka. Chaiva chinhu chikuru kwandiri kuzvitarisa.

²²³ Asi zvino, ndiri kuuya kwamuri neMharidzo yakasimbisia nechiratidzo ichocco. Ko chechi yaka... Kwete, haina kumbobvira yakaita sangano. Asi chii chakaitika kumasangano pamusoro perumutsiriro urwu? Chii chavakaita? Vakaenda vakananga muRaodhikia. Mamiriyoni nemamiriyoni, nemabhiriyoni emadhora akadururwa mairi, uye kungo... zvino yava huru uye yakapfuma zvino inovaka zvivakwa zvinokosha mamiriyoni emadhora uye nezvinhu zvakadaro. Zvino kuti vagamuchire Mharidzo? Kwete zvachose. VanoIramba. Chii ichocco? Chikwande chava kure negorosi. Zvino gorosi rinofanira kuva rakadaro, kuyanikwa muHupo hweMwanakomana kuti rizosvika kune Vhangeri rizere, mbeu yakaibva yaTenzi. HaungaItende here? Uyu ndiyaniko, zvisinei? Uyu Ndiyaniko? Angava Ari munhu here? Ingava Iri chechi here? Ringava Riri sangano here? NdiJesu Kristu, mumwe chete zuro, nhasi, nekusingaperi. Munoziva here rwiyo rwakare?

²²⁴ Handizivi zvino, nekungonamata kushoma mushure meMharidzo inocheka zvakadaro,... Hanzvadzi, ko mukatipawo ko—ko—kodhi, pamwe nekwaya diki pano, yekuti NdinoMuda. Munoziva here rwiyo rwakare?

NdinoMuda, ndinoMuda
Nokuti Ndiye akatanga kundida

Akatenga ruponeso rwangu
PaKarivhari inotonhora, nhema.

²²⁵ Mungarwuimbewo here nen? Imi mose zvino, mukunganamata. Chingo—chingonamata nen.

NdinoMuda . . .

Zvino, rangerirai, seterevhizheni, Ari mukamuri yenu.

Nokuti Akatanga kundida
Ndokutenga ruponeso rwangu
PaKarivhari.

Munomboziva here zvazvinoreva? Munokwanisa here?
Munombonzwisia here hudzamu hwazvo, izvo zvaAkaita?

NdinoMuda . . .

Handisi kuMuona, asi Ari pano. Ndine chinhu chidiki mukati umu chinogamuchira, chimwe chinhu chidiki chinotungidza chiedza mumoyo mangu. Ndinoziva kuti chinoratidza Iye. Ari pano.

. . . akandida
Ndokutenga ruponeso rwangu
PaKarivhari.

²²⁶ Zvino ndinoda kuti muite izvi, tichirwuimba mahon'era. Zvino, takasangana-sangana kana zvasvika kune zvataimbove. Rangerirai, kwandakatangira ndaiva muKatorike. Maona? Zvino, tose tiri boka rakasangana-sangana zvino, asi takabuda kubva mune zvinhu zvose izvozvo zvino. Tava vaKristu. Tiri vaKe. Zvino tichirwuimba, ngatingotendeukei tichikwazisana maoko. Musasimuke henuy. Chingotaurai kuti, "Mwari vakuropafadzei, hama. Mwari vakuropafadzei, hanzvadzi," patinenge tichizviita, tichingori muhupo chaihwo hweChikristu. Ndinotenda kuti Mwari vanoda kunamatwa. Hamufungewo kudaro here? Vanamatei. Ivo . . . Mwari chinhu chinonamatwa. Uye tinoda kuVanamata. Zvino tinoita sei . . .? Imi dananai. Munoda kuitirana mumwe kune mumwe . . . "Pamunoitira ava, munoitira Ini."

²²⁷ Ngatingorwuimbei zvino, ne—nekukwazisana maoko, uye tonamata ne . . .

. . . nekuti Iye . . .

Mwari vakuropafadzei.

Oo, ndinoMuda, ndinoMuda
Nokuti Akatanga kundida
Ndokutenga ruponeso rwangu
Pa . . .

²²⁸ Handisi kuziva kuti, zviri kubvira mumoyo mako here? Mune here chimwe chinhu imomo chinongo—chinongonzwa zvakakanaka chaizvo? Unoziva, unonzwa sekunge unogona kungoita seuchaChibuditsa kunze kuno woChimbundira.

Huh? Unozvinzwa here nenzira iyoyo mumoyo mako? Kana usingadaro, shamwari, chenjera. Uri panzvimbio ine njodzi, waona, kana musina rumwe rudo chairwo mukati imomo, chimwe chinhu, “NdinoMuda.” Harwungori rwiyo chete, asi mazvirokwazvo. Akatanga kundida. Ndingadai ndiri kupi, nhasi uno... Ndava nemakore makumi mashanu nemashanu ekuberekwa. Hupenyu hwangu huchapera nekukurumidza. Maona? Uye izvo ini... Akatenga ruponeso rwangu... Hama Trow, ko maizo...? [Mumwe murume anotaura ari muungano. Chibenga chisina chinhu patepi—Mupepeti]

²²⁹ Manzwa chapupu icho, “Ndakaponeswa.”

Ndakaponeswa nesimba raKe raMwari,
Ndakaponeswa kusvika kunzvimbio itsva
dzakakwirira dzakanakisisa!
Hupenyu zvino hwotapira mufaro wangu
wazadziswa,
Nekuti ndakaponeswa.

²³⁰ Ko unoziva sei? Mweya wangu unopupurirana neShoko raVo kuti ndakabva kurufu ndichipinda kuHupenyu.

²³¹ Maita henuy, Makristu anodikanwa. Zvinondiitira zvakana. Ndinoda kuuya munzvimbio seino yaunonzwa seuri kumba. Zvinondiomera kubva ndichienda. Ndinongoramba ndichifunga, “Tarisa pawachi iyo,” uye—uye ndinoona mwanasikana wangu akagara apo, achizunguza musoro wake kwandiri, uye akatarisa pasi seizvi; ne—nemwanakomana wangu, akagara kumusoro kuno, achiti, “Ko—ko muri kuramba muchirebesa kudai sei?” Handizivi. Ndinongofarira kugara pano... munoziva. Handizivi. Ndinofarira kuyanana. Munoziva, handikuwanu kunzvimbio dzakanyanya kuwanda (munozviziva izvozvo), kuri kuenda kuchiita kushoma nguva dzose. Asi ndinoziva kuti ndiri kuswedera pedyo neikoko. Maona? Uye rimwe zuva ndichaparidza mharidzo yangu yekupedzisira, ndovhara Bhaibheri kekupedzisira. Ndichatora karwendo kadiki ipapo. Huyai mundishanyire neimwe nguva kana ndazviita. Huyai kumusoro, zvino tinobva tagara pasi nekusingaperi, zvino totaura sezvarehwa naHama Carl, uye torarama nekusingaperi.

²³² Zvino tarisai, shamwari, ndichakukumbirai chimwe chinhu chandinoda kuti muite. Zvino ndakugarisai mukadarikirwa nenguva yenu yokudya. Maona? Uye zvino, Hama Outlaw vaita chimwe chinhu nguva yapfuura... Havawanzoite chimwe chinhu chandisingadi. Asi, vatora mupiro kuitira ini, munoona. Handizivi kana mumwe wavo akaenda kumashure, onotora mupiro iwoyo kumashure ikoko, omira pamukova. Zvino endai munoutora uye mugotenga svusvuro yenu nawo. Ndicho chipo chabva kwandiri, chichidzokera kwamuri. Maona? Zviitei izvozvo. Maona? Zvichange zvakana. Murume anotapira.

Vanogaro... Havambofe... Handina kwandinoenda kana chimwe zvokuti ivo—ivo vanotoda kuita chimwe chinhu kuti vandibatsire. Ndiwo maitiro avo.

²³³ Pane varume vakamira pano; ndi—ndinotya kudana zita ravo, ndingazoita kuti vakanganisike. Pane imwe hama inokosha ichangoenda muKubwinya, yakaenda nokukurumidza. Chishuvu chavo... Vaiziva kuti ndinofarira masango, saka vaida kunditengera jipi. Handina kuvatendera kuti vazviite. Zvino mushure mekunge vaenda, mudzimai wavo mudiki aida kuzviita, zvino handina kumutendera kuti azviite. Asi vamwe vakomana vose vakauya pamwe chete vakaenda neche uko... Uye—uye pane imwe hama inouya pachechi pano, yakati, “Hama Branham, ndinogadzira ngoro dzekutakurira zvinhu.” Munoziva, ngoro; kana zvamunodana kuti *ngoro*. Uye yakati, “ndichakugadzirai imwe yadzo.” Handina kumutendera. Munoziva here zvakaitwa nevakomana ava? Vakagadzira ji—jipi nengoro zviri pamwe chete. Handisati ndamboona imwe yakadaro.

²³⁴ Kubva kumusangano wekuTucson husiku ihwohwo, vakaityaira kusvika muchivanze changu, vakati, “Ichi chipo chabva kuvanhu ve—vekuPhoenix.” Maona, havana kana kuzviti ivo voga chete, vakangoti, “Oo, ndisu tose pamwe chete, munoono.” Ndizvo... Oo, ndi—ndinongoziva kuti kana ndikagona kusvika Kudenga, ndichagara nevanhu vakadaro. Zvakareva zvakanyanya kwandiri, munoziva, chingori chimwe chinhu chakadaro; izvi zvidiki... chimwe chinhu.

²³⁵ Zvinondiita kuti ndinzwe zvakadaro kuna Hama Outlaw pano. Ndokuti, “Nhai, Hama Branham, ndango...” Ndokuenda kumusoro uko kumwe... kungowana imwe nzvimbo dzamara wasvika pakukudai, nekutura nemi, uye nekutura pamusoro paJesu. Uye—uye nezvezvanhu ve... Saka, munoziva, “Dzinofura nzivane.” Munoziva, dzinoita sedzinofarira kuuya pamwe chete nekutura pamusoro pezvinhu, dzichiyana pamwe chete.

²³⁶ Uye ndi—ndinozviyemura izvozvo, asi nda—ndanga ndisingadi mupiro wacho, hama, hanzvadzi. Ini... chechi yangu inondipa muhoro mudiki wemadhora zana pavhiki uye ndinoita zvakanaka naiyoyo. Saka ndi—ndinozviyemura. Zvino kana chero mumwe wenyu achida kuwana svusvuro, saka, mumwe munhu achange ari kumashure uko pamukova uye imi mutore mari yekudya zvenyu kubva kwandiri. Munoona, zvinenge zvakangonaka. Vamwe venyu, ndakugarisai kubva mukudya svusvuro yenyu. MunoVada here? Saka munofanira kundida nekuti ndiri chikamu chaVo. Maona? Ameni. Ndicho chikonzero ndichikudai. Ishe vakuropafadzei.

²³⁷ Ngatisimukei zvino. Musakanganwe misangano yedu iri kuuya. Chero nguva yamunenge muripo, ingorangarirai, huyai. Munogara makagamuchirwa. Muchandinamatirawo

here? Ndi—ndini munhu anoda munamato. Muchanamata here? Vangani vanogona kuona mutoro, zvandinofanira kuita, uye nezvinhu zviri pamberi pangu? Uye ndinoziva zviri kuuya, zviri mberi chaiko. Muri kuona? Ndinogona kuzviona sekungoona kwandinoita zvimwe zvinhu zvichiuya. Ndiri kuziva zviri kuuya. Maona? Asi hapana nguva yekutaura pamusoro pazvo. Ngatitaurei pamusoro pezviri kuitika iko zvino. Ramangwana Richazvionera pacharo. Maona? Muno... muchandinamatirawo here? Zvino, masimudza here maoko enyu kuti muchandinamatira? Zvakakanaka.

²³⁸ Mwari vakuropafadzei zvino. Ndava kudzorera shumiro kumufudzi wenyu akanaka, Hama Jimmy Outlaw. Mwari vakuropafadzei, Hama Jim.



Ko Munoti Uyu Ndiyani? SHO64-1227
(Who Do You Say This Is?)

Mharidzo iyi neHama William Marrion Branham, yakaparidzwa kwokutanga neChirungu Svondo mangwanani, Zvita 27, 1964, paJesus Name Church kuPhoenix, Arizona, U.S.A., yakazotorwa kubva patepi yakarhekedwana ndokuzodzhindhwa muChirungu pasina chakamurwa. Kuturikirwa uku muchiShona kwakazodzhindhwa nokugoverwa neve Voice Of God Recordings.

SHONA

©2021 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org